

上海麵粉交易所捐送  
經紀公會  
(非賣品)

時局和平  
根本問題

救世要言  
暇自閱  
務希注意  
請送他人

萬國道德會滬會特刊

大同先導

黎元洪題



後生先覺

康有為題



大 聖 贊 皇 皇  
道 讚 洋 洋  
同 化 育  
光

王士珍祝

道通六合

德化萬方

靈學會祝

萬國道德會總會職員表

名譽會長

王士珍

閻錫山

李佳白

康有爲

王懷慶

副會長

王芝祥

山東副會長

田步蟾

杜秉寅

理事

萬國道德會職員

萬國道德會職員表

二

孔令偉	張廣熙	趙戴文	馬燦斌	柯定礎	李子明
劉仁航	蔣魁英	張鴻藻	章文華	陳完	王鳳五
宋崑	譚景純	畢永盛	果樹人	陸星齡	葉鳴岐
姜超恒	張玉庚	胡殿試	孫海東	杜延年	郝景星
劉圓清	趙鎮侯	焦國瑞	呂人國	楊銘忠	柳廷敬
修人愷	張荆山	孟廣山	黃紹斌	李慎吾	管匡
耿蘊空	張知睿	蕭露恩	周文聘	蕭露華	劉化普
譚奎昌	柴雲鵬	黎淦	李紀元	張繼業	江鍾秀
劉端一	劉永康				

建議人

江希張

滙會正副會長

王芝祥

葉明道

殷明剛

滬南籌備正副主任

汪明甫

湯佩公

屠佑予

蘇州分會籌備主任

徐鏡清

無錫分會籌備主任

楊踐形

浙江杭州嘉興甯波湖州南潯各分會籌備正副主任姓氏表

施德

倪天覺

王杏生

顧企先

江昌和

許廉伯

朱冠羣

朱元直

陸培之

徐子仁

任善夫

陸正福

萬國道總會職員表



英國道德會職員表

四

郁仁齋

陳蘊玉

戴性懷

錢俊夫

翁榮堂

俞子明

龔理平

贊成人

謝邦清

姬覺彌

王一亭

汪明甫

沈田莘

顧馨一

葉惠鈞

聞蘭亭

翁寅初

朱少沂

徐詠棠

沈春江

黃庚昇

李紹巖

張孝吉

龍積之

楊了公

丁福保

夏玉峰

孫筱亭

莊少卿

俞閩珊

顧海泉

王蓉生

殷貫霄

羅仕萬

蔡雲程

黃滌之

梅頌先

沈孚霖

蔡韞青

陳一民

崔品三

周才葆

邵雲軒

劉季文

# 時局和平根本問題目錄

黎元洪題辭

康有爲題辭

王士珍祝詞

靈學會祝詞

萬國道德會滬會緣起并頌詞

龍文心頌詞

汪明甫頌詞

湯佩公頌詞

屠佑予頌詞

陳瑞麟頌詞

楊宇青頌詞

萬國道德會簡章

時局和平根本問題目錄

時局和平根本問題目錄

二

時局和平根本問題通告

美國博士李佳白演說詞

建議江希張演說詞

理事張臨安演說書後

滬會殷明剛演說詞

楊踐形道德與國論

時局和平根本問題

世界新生理學

靈學會歡迎江神童記

軍政各要人來函贊成摘要

# 萬國道德會滬會緣起

并頌

易學研究會編

滬上五方雜居。萬國交通薈萃之區。有能提倡道德。極力宣導。其感化普及甚易。而萬國之聲。衆山響應。果能若是。豈非世界和平可望。大同景運易成。此上海所以宜設萬國道德會之緣由也。萬國道德會。專倡道德。消弭殺機。匡正人心。挽回世道。以期社會大同爲宗旨。山東濟南總會。江希張建議發起。各公團函馳贊成。辛酉夏。政府獎勵。至冬。屠君鳳翔等始設南方總籌辦處于上海西門吾園路。壬戌秋。江君來滬。特開歡迎大會。江君演說。殷君明剛引伸其旨。發揮餘蘊。一時簪纓之會。于斯極稱盛焉。既而屠君復就分會于南潯。無暇兼顧滬會。成立三年。時機未熟。發展未盛。殷君素以道德爲己任。日虞隕越。經屠君函託維持。遂發擴充宏願。在甲子大成節後。重新組織。力求完善。當茲戰雲瀰漫。飽受痛苦之餘。人心厭亂。反省道德。易生覺悟。正氣運方轉之機也。汪君明甫素稱熱心公益。對此極表同情。發願擔任滬南籌備事務。此後滬會發展前途未可限量矣。夫敦風俗。保治安。正人心。杜亂源。非崇道德不爲功。小則有益身心。大則可裨家國。續孔門之一貫。臻世界于大同。所望乎後來者責任至重且大也。爰識緣起。並爲頌曰。

美哉道德

萬古常新

大同先覺

東魯之濱

尼山木鐸

覺世牖民

凡有血氣

莫不尊親

化行俗美

共祝里仁

既榮天爵

百福駢臻

# 上海萬國道德會頌詞

地球面積

其國有萬

惟道與德

則一以貫

教宗不同

其旨則同

心理不異

天下為公

孔聖教法

文行忠信

佛耶道回

皆尊德性

寄象韜譯

中外大通

和平世界

永弭兵戎

厥有神童

江花五色

著書滿家

專言道德

立會布教

畛域不分

東西南朔

法德俄英

春申之濱

轡轂輪軌

四海可達

應立盛會

明剛殷子

直諒多聞

力崇道義

佐佑屠君

乃啓文壇

乃召學侶

公布其書

不吝取予

琳瑯萬卷

衣被萬人

何分新舊

道立德明

天下一家

在遵斯道

世際昇平

自他有耀

桂林龍文心拜上

修身以道

惟道與德

聖經賢傳

刊書紹介

東魯垂訓

麟書一卷

普化萬國

止于至善

正誼明道

聖賢爲範

申江滬會

修道以人

作善之準

教化諄諄

易使遵循

泰岱北辰

席上之珍

六合彌綸

兼立達人

萬國同尊

風厚俗敦

已歷數春

汪明甫祝

湯佩公祝

克明峻德

世界萬國

無非道德

勉盡心力

紹聞衣德

移風易俗

君子務本

篤守聖教

一貫之傳

晨鐘暮鼓

規模粗具

其德日新

莫不尊親

逐一開陳

廣勸同人

性道佩紳

覺世牖民

在修厥身

爲續傳薪

入德之門

聲振乾坤

時刻思存

從今擴充

培植深根

得人弘道

發展可論

屠佑予祝

大學之道

在明明德

義路禮門

萬世表式

法學士華洋律師陳瑞麟祝

修道為教

進德是馨

彙倫日用

各有常經

所學何事

在踐人形

齊賢希聖

永樹芳型

梁溪楊宇青祝

## 萬國道德會滬會簡章

國家治亂，視乎風俗。風俗善惡，由於人心。人心邪正，關乎道德。邇來人心變幻，道德淪亡，以致暴棄天職，逾越軌範，妄競邪智，動釀詭習，逞私欲之橫流，置公理於不顧。循茲以往，匪特爲文明進化之障礙，劫運擴張之動機，實足以破壞紀綱，斲喪人道。嗚呼！禮義廉恥，國之四維，四維不張，其何能國。國民欲享真正自由之幸福，須有真正自治之精神。真正自治之精神，即崇尚道德是也。是故萬國道德總會，憫世界正義之頽亡，社會人心之墮落，力倡正學，亟挽狂瀾，特設斯會爲天下倡。其宗旨在闡揚道德，其目的在救正人心。無門戶主奴之權，無新舊中外之爭。鎔孔老佛基回五教於一爐，昭天人於一理，實開後世正誼真宗之一大關鍵也。同志等秉斯宗旨，力事鼓吹，復鑒於滬地習俗綺靡，淫蕩成風，爰特組織滬會，共同策勵，各盡天職，藉以維挽人心，糾正風化，務使人人咸知道德，不昧天良。則道德主義，愈推愈廣，世界共進大同，詎不懿歟。尙望男女同胞，各發熱誠，互相勸助，俾黑暗社會，大放光明。是則同志等所無量慶幸者也。

一 名稱 本會定名爲萬國道德會滬會。

一 宗旨 本會以昌明道德，救正人心，改良社會，促進大同爲宗旨。



一 組織

本會之組織，設正會長一人，副會長一人，主持會務。名譽會長，暨董事評議等，無定額。並設總務、編纂、會計、文牘、交際、庶務六部，分任各項事宜。其會長暨各職員，均須以道高望重、熱心公益、及經驗宏富者推任之。

一 會員

本會會員，不分種族門戶之軫域。中外男女人士，一律歡迎。凡贊成本會宗旨，並能恪守本會規則者，經會員二人之介紹，即可入會，爲本會會員。本會規則如左。

(一) 有大同觀念者。

(二) 注重道德者。

(三) 務正當職業者。

一 會期 本會每年開大會一次，每月開常會一次。如有特別會議，由會長臨時召集之。

一 事業 本會事業，依據宗旨，分爲下列四部。

一 崇闡部 凡對於孔老佛基回五教之典章，古今中外有關道德之學說，及促進文化之正

論，均提出研究，推行社會，以資揚闡。

一 獎勵部 凡關於社會人民之懿行美德，及孝義節烈行爲，舉有一善之稱，皆在表揚之列。

或由本會採訪或由個人陳報當卽力爲宣揚並代呈官廳及政府旌獎以資鼓勵。

一 宣講部

本會審定道德要旨正義學說由會員分任宣講外並請中外名宿蒞會演講及編輯道德叢刊發行。

一 振濟部

凡關於天災人禍之危難及一切慈善事務本會概爲舉行亟力救濟。

一 經費

本會經費由會員量力酌助其有贊成本會宗旨樂結善緣襄助本會經費者本會一律歡迎當認爲本會贊助會員其關於舉辦慈善事務及救濟災棧等項得隨時酌量情形由各大善士隨願援助。

一 懲戒

凡會員有違背本會規則及非道德行爲者經本會查明確實後卽行宣告除名。

一 附則

本簡章如有未盡事宜得隨時修改之。



## 時局和平根本問題之通告

和氣致祥。乖氣致戾。這兩句話。是說有種氣化製造成功的。氣是心之所化。人心一日一夜有幾萬思想。就有幾萬呼吸。人人的思想善。呼吸的氣就善。善自然就凝結爲和氣。和氣就發揚爲和風。爲甘雨。爲慶雲。爲景星。人人的思想惡。呼吸的氣就惡。惡自然就凝結爲戾氣。戾氣就發揚爲水火。爲刀兵。爲瘟疫。爲饑饉。最甚就爲天變。爲地震。你看近年的時局。水火刀兵。瘟疫饑饉。天變地震。鬧成個甚麼世界。因爲人人不知警醒覺悟。所以直隸的旱災水災。山東的水災。餓死淹死了幾十萬人。奉直連次的戰禍。閩廣的戰禍。川楚的戰禍。雲貴的戰禍。陝西河南山東的戰禍。匪禍。以及近來江浙的戰禍。殺死害死又有幾十萬人。令人痛心酸鼻。涕淚滂沱。慘不忍睹。恨不忍聞哩。更有前年甘肅的地震。日本的地震。山移城挪。屋飛樓揚。兩共足足死了八十餘萬人。又有浙江前番的水災。傷害了七十餘州縣的寬大。至那汕頭地處。風災水災尤烈。一朝一夕間。死亡人數。竟達十萬之多。這些種種奇異的災難。仔細想來。無非是人心壞到極處。惡到極處所致的乖氣呢。恐怕這些災劫。還不算什麼事。將來那些災難。尙有比這個大的重的。或千百千萬倍呢。試看基督教新約啓示錄中所載有饑荒死亡。併地大震動。日頭變黑色。像毛布。滿月變紅色。像

血。天上的星辰墜落在地上。一切山嶺海島都挪移離開本位。地上的人類都藏在洞裏和山的磐石裏。因爲上天忿怒的日子到了。誰能站得住呢。又載着有雷轟大聲。雹子和火攪着血。被丟在地上。地的三分之一被燒了。又載着海的三分之一就變爲血。海中的活物死了三分之一。船隻也壞了三分之一。又載着那蝗虫的形狀。好像豫備出戰的馬。就是孔教的春秋上所記。日蝕星隕。山崩地裂。雨雹雨石。以及六鷁退非。晝晦及恆星不見各事。與易經臨卦所言。至于八月有凶。雖然說的是當時列國災難。也是說的將來比這更大更重呢。其餘再拿道藏佛藏以及回教諸經來看。如此說法也很有。本會同人敢說將來的災難。恐怕還比今年更大更重的。千百千萬倍萬萬倍呢。不過是今年的災難。上帝好生爲心。不忍不教盡殺。特特的先露出些端倪來。令人人皆驚醒覺悟。知過改過。可惜人人依然春夢未醒。仍是姦盜嫖殺。一點也不悔改。到了無可奈何的時候。你想這紅腫巨瘡。能不請個醫生來開刀。使膿血潰流。教他大大的受一番痛苦麼。咳。上帝是全球萬國千五百兆人的總父母。世人是其子女。子女有了罪孽。自然極端惱怒。偷因警戒教誨。能覺悟改悔。自然又極端歡喜。豈肯立降災殃。以應易經所云八月有凶呢。此次的江浙戰爭。正是恰合易經八月有凶之說。上天發出警告。要你們警醒覺悟着哩。以前的災劫雖過。

但是來日正長。諸君有什麼好方法。可以避免日後的災劫呢。災劫呢。如欲免去日後的災劫。必須有事前的覺悟。以進備之。尤必須人人有自覺的方法。以消弭之。書經上會說的明白。火炎崑崗。玉石俱焚。大凡論事。皆是以多數爲權衡。譬如十人中。有七個善人。三個惡人。這七個人善氣所發揚。自然能致一切吉祥。其那三個人的惡氣。爲這七個善人的善氣所融化。縱有小小的災患。也不害事。倘十人中有七個惡人。三個善人。這七個惡人的惡氣所發揚。自然就招一切災戾。其那三個人的善氣。爲這七個人的惡氣所掩蔽。縱有微微的福慶。也無益于事了。本會同人見到此處。于是皆發了濟時狂熱。消却愚誠。想着教全球萬國。皆速速提倡道德。速速改過遷善。併勸人人改過遷善。以回天怒。如詩經上所言的。敬天之怒。無敢戲豫。敬天之渝。無敢馳驅。昊天曰明。及爾出亡。昊天曰旦。及爾遊宴。相與戒慎。不覩。恐懼不聞。人人皆諸惡莫作。衆善奉行。自然千五百兆人思想的心皆善。千五百兆人呼吸的氣就皆善。千五百兆人呼吸的氣既皆善。自然這水火刀兵。瘟疫饑饉。與天變地震。一切不可思議。不可言說的大災大難。就自然化爲無有了。總之千五百兆人之心善。千五百兆人之氣即善。善則和則致祥。是非上帝有心去生。乃千五百兆人自生生。千五百兆人之心惡。千五百兆人之氣即惡。惡則乖。乖則致戾。是非上帝有心去

殺殺。乃千五百兆人自殺。世人其速醒悟罷。否則人亂不已。天怒難回。大劫一到。無論多少生命財產。同付灰燼。到那時候。纔出來抱佛腳。不也晚了嗎。須知提倡道德。不是救人家。乃是救自家。不是救天下萬世。乃是救自己一身一家。這種方法。正是消弭浩劫之唯一要義。造成時局和平之根本問題。本刊所載各篇均根據本問題而發揮。其中每篇有每篇之精義。閱者諸君欲求真正和平之解決。請在本刊各篇從頭至尾詳細讀之。方不負本會諄諄勸告一番苦心。使得人自能覺悟。則和平幸福。不難立致而待。幸諸君互相勸勉。廣爲感化。萬國幸甚。本會幸甚。

## 演講錄

美國博士李佳白先生演說詞

余生平很好合大眾研究道德。很好與大眾實行道德。很好向大眾演說道德。然余於本會。并沒盡何等力量。并沒盡何等職務。蒙大家推爲名譽會長。我不禁汗愧的很。現在由中及外。舟車所至。霜露所墜。凡有血氣者。所缺乏目爲何。就是道德二字。所以由中及外。舟車所至。霜露所墜。凡有血氣者。莫不龍蛇起陸。戰殺讎起。爭城以戰。殺人盈城。爭地以戰。殺人盈野。殺人至數千百萬之多。而無有窮極。如英法德俄等國。莫不如是。今大家在優勝劣敗。弱肉強食。槍林彈雨的空氣中。提倡道德。設立萬國道德會。以消弭戰殺。挽回世道。栽培人心。造福於中國。造福於萬國。余更是無任贊揚的很。余所以贊揚中國處。就因爲世界五大教。就有孔老兩大教。出自中國。孔教中有畏天命。畏大人。畏聖人之言。今日吾們說的就是畏聖人之言。又大學之道。在明明德。蓋大學乃爲入德之門。而入德又在乎明個人之明德罷了。余來中國四十年。自二十三歲讀儒書。願學孔子。乃見孔道包括殆盡。明德一事。小之則攝於毫釐。大之則彌於六合。如物格而后知至。知至而後意誠。意誠而後心正。心正而後身修。身修而後家齊。家齊而后國治。國治而后天下平。實在



說得至矣盡矣。蔑矣加矣。中庸又說天命之謂性，率性之謂道，修道之謂教。乃見教在後而道在先。道在後而性在先。性在後而天在先。故天是獨一無二的了。然道也者不可須臾離也。可離非道也。天道爲本。人道爲末。古人說道原於天。其實體備於己。確是不差。總括以上所說。就是中和二字可之盡之矣。什麼是中。不偏之謂中。什麼是和。不戰之謂和。且中爲天下之大本。和爲天下之達道。現在中國所缺乏的是什麼。就是一個和字。和就是天下之達道。所以鬧的南與北戰。北與南戰。又南與南戰。北與北戰。一團殺氣。衝天絕地的起來了。若想消弭中國的戰殺。非以和字講求不可。宋儒曾說道之大原出於天。德出於道。怎麼說的。講求道德之心。誰不如我。慟懼之心。人皆有之。羞惡之心。人皆有之。辭讓之心。人皆有之。是非之心。人皆有之。人之有此四心。雖是成德之源。亦是天命之性。然則德出於道。道出於天。可以明白了。道不離天。天不離道。吾人不能離道。即是不能離天。老子所謂道。孔子所謂天。觀老子道德經中。將道德精華活潑的完全寫出。言理詳盡。無微不至。孔子老子生在中國。爲世界的兩個大聖人。成立了世界的兩大宗教。爲世界造了無窮的幸福。這是我所贊揚中國處。現在我勸大家作個道德之人。使你的家庭成個道德的家庭。使國家成個道德的國家。使世界成個道德的世界。這是我贊成道德贊成道德會贊成

萬國道德會的本意。若是學孔而不行孔之行。學耶而不行耶之行。學老而不行老之行。學佛而不行佛之行。學回而不行回之行。那全是假的空的。不是聖人之徒的行爲了。今衆位提倡道德。遊行講演。不遺餘力。果能不屈不撓。勇往直進。鼎力提倡。將來中國不難旭日高昇。世界不難受福無疆了。

### 江建議在錦州道德會演說詞

鄙人不敏。於九歲時。曾建議創設萬國道德會。以挽戰殺浩劫。又手擬籌備萬國道德會章程十二條。內容聲明於甲子乙丑年。擬請孔老佛基回各教主之承襲嫡裔。及各會長。并各提倡道德機關之名公偉人。碩學通儒。周流中國各地講演。鄙人於民國十二年夏。曾面請本會各會長。於甲子乙丑年親赴各地講演。各會長多以年老力衰。不能僕僕風塵爲辭。鄙人當即與會中同人組織道德日報。請各會長皆親撰演說詞一則。并其像片。頒給本會。印登日報。以代周流講演。現各會長多已寄至演詞并像片。業經一一印登。而會中同人以本會係由鄙人建議創設。復敦促鄙人撰一演詞。以隨諸公之後。鄙人不文。於本年暑假內。特先往東三省分會接洽一切。而分會約不下數十處。交通不便。碍難一一俱到。至哈爾濱。以會場內外人數到者約有五六萬之多。

警廳登臺對衆報告。謂到人過多。擁擠太甚。礙難講演。至黑龍江省城。僅在道德會講演。未暇公開大會。四方到者。多以為憾。又實有負綏化扶餘拜泉哈爾濱黑龍江省垣各處歡迎盛心。暨各處官紳極力保護至意。抱歉之處。莫可言狀。矧熱河朝陽縣分會。尤屢函電總會。敦催鄙人前往。并派代表數人到總會。及到錦縣車站迎送數次。且蒙朝陽鎮守使并縣長出示令各營哨鄉團保護。鄙人尤感激莫名。思奮力就道。以答各官紳及各分會殷殷至情。誰知鄙人身體本弱。加之酷暑之際。周歷三省。到處長官鉅紳及父老兄長諸姑伯姊不恥下問。幾如山陰道上。迎接不暇。每到一處。不棄而枉顧者。或數千人。數萬人不等。因之酬應過繁。積勞致疾。速往北戴河養疴。未能踐約至朝。尤屬疚心。不能自白。今敢借貢一言。略作芹獻。尚乞諸君子賜教焉。竊以本會名為道德會。且為萬國道德會。夫道德必如何解釋。而後人始了然於心。而無一疑義乎。孔子曰。志於道。據於德。中庸曰。率性之謂道。道也者。不可須臾離也。大學曰。在明明德。又曰。明明德於天下。請先就道字解之。而欲解道字。必先解性字。性字究如何解釋。性非他。天命之謂。自來註中庸者。於天命之謂性一句。皆將命字講作令字。即鄙人前註中庸。亦未能出此範圍。究之。此句講不明白。天下萬世人。實無入道德之門。何以言之。凡事人必先知之真。而後能行之篤。未有知之不真。

猶在疑似之間。而行之即能篤實。已造究竟之詣者也。然則天命之謂性一句。果何解乎。請爲大家明解之。此處命字。不當令字講。當載字講。載即主宰之謂也。中庸末章引詩所謂上天之載。無聲無臭是也。且又引詩云。維天之命。於穆不已。又論語云。五十而知天命。畏天命。又易經云。窮理盡性。以至於命。凡此皆主宰之謂也。并無一處講爲令字。命字離天而言。或有當令字講之處。命字合天而言。決不能當令字講。天命二字。即天之主宰之謂也。子思子所處時代。凡人之言性者。甲以此爲性。乙以彼爲性。其說種種。不可枚舉。子思子欲明道於天下萬世。乃引孔子之言以定之。曰。凡時人所言如何謂性。如何謂性者。皆非性之真詮。惟天命乃謂之性。顯言之。即天之主宰之謂性也。天之主宰。非即上帝乎。上帝方謂性。何以言之。性無中外。無古今。無人物。統古今中外人物。皆是一性之所總持。以故鄙人嘗謂性是天地萬物公共的。只有一個。并無其二。而魂則人物物各有一個。其數無量。並非如性之獨獨一個。性者不生不滅。不垢不淨。不增不減。魂者有生有滅。有垢有淨。有增有減。人不惟與人是一個性。即與物亦是一個。人物皆一性之所總持也。物不待詳言矣。請言人。人骨肉之身。乃是死物。並不能知覺運動。所以能知覺運動者。魂也。魂亦不能自爲知覺運動。而所以使魂能知覺運動者。則性也。性即天命也。天命即上帝也。上帝不在

人身軀之外。而在人身軀之中。人與上帝非離而爲二。乃合而爲一也。人即上帝。上帝即人。人離上帝則一死物。不能知覺運動。而游魂爲變矣。人身賴魂以知覺運動。魂賴性以使其知覺運動。苟離性則魂不能自爲知覺運動。魂猶月。性猶日。月本無光。借日之光以爲光。魂亦無光。借性之光以爲光。魂附性。則能知覺運動而爲人。魂離性。則不能知覺運動而爲尸。人之所以生者。以性也。非以魂也。故性字從心從生。魂字從云從鬼。人能呼吸空氣則生。不能呼吸空氣則死。魂來身。則能呼吸空氣而生。魂去身。則不能呼吸空氣而死也。是知魂附性。則生而爲人。魂離性。則死而爲鬼。猶之魚附水則生。魚離水則死也。性又譬之海水。魂又譬水中之浪。水被風激則有浪。風止浪停而水不滅。性又譬之天空。魂又譬之空中之花。空適緣至則有花。緣去花無而空仍在。故嘗謂人死而性不死。以性無死。人死而魂亦不死。以魂亦不一生即死也。不觀人之播弄傀儡以爲戲劇者乎。傀儡之手舞足蹈。非傀儡能手舞足蹈。乃線索牽動之也。線索非自能牽動。以幕中有人暗爲牽動之也。且幕中僅有一人手使線索。即能使全臺傀儡皆能手舞足蹈焉。夫性。即牽動傀儡之人也。魂。即傀儡之線索也。骨肉之身。即傀儡也。緣古今中外無量數人骨肉之身。皆一性之所牽動也。即皆一上帝之所牽動也。魂不過其線索耳。一人一線索。即一人一魂之明證也。幕

內一人能牽動全舞臺傀儡同手舞足蹈。即一上帝能牽動古今中外人人同手舞足蹈之明證也。以故人之死也。非上帝之絕人。乃人之絕上帝也。猶之舞臺上傀儡有一線索偶斷。幕中人雖欲牽動之。使其復手舞足蹈而不能矣。此釋迦佛觀明星而悟道時所由歎曰。奇哉奇哉。大地一切含靈。皆有金剛法性也。夫佛說金剛法性。非即儒道基回各教之所謂上帝乎。是知釋迦見性。即見上帝也。即見天命也。孔子曰。知天命。又曰。畏天命。夫畏之必先知之。知之必先見之。大學子曰。顧諟天之明命。顧即見也。吾輩庸人。未能見性者。良由道眼未開耳。道經云。汝等欲見上帝而不可得者。緣汝等尚于身口意三業之淫殺盜綺語妄言兩口惡舌貪嗔癡之十惡尙未清淨。由是障故。不能得覩上帝慈顏。夫斷障之法。當生大慧。無起疑惑。無起貪嗔。無起嬌慾。無起嫉妬。無起殺害。無起凡情。無起凡思。無起聲色。無起是非。無起憎愛。無起分別。無起高慢。無起執着。凝心澄慮。萬神調服。心若太虛。內外貞白。無所不容。無所不納。道眼既開。而後得覩上帝慈顏。然則鄙人今解中庸謂天命即是上帝。不惟證之孔子本人之言。確無疑義。即證之佛道之言。亦確無疑義矣。上常無所不知。無所不能。無所不見。無所不聞。子既以爲人即上帝。何以人不能無不知能見聞乎。曰。子未能完人之量。故不能無不知能見聞。倘子果能完人之量。則自無不能不知能見聞。

有斷然者。孔子非亦一人乎。何以能聰明睿知。孟子非亦一人乎。何以能美大聖神。老子釋迦基督穆罕非亦一人乎。何以能三身四智五眼六通。與一切神通變化。令人不可思議。不可捉摸。所以然者。孔孟老佛基回能完其爲人之量。將其個人獨具之魂煅煉之。堅固之。俾其與人人公具之性。合爲一體。永永不與性脫離關係。以故上帝之知能見聞。即孔孟老佛基回之知能見聞。上帝無不能知能見聞。孔孟老佛基回亦無不能知能見聞也。吾輩庸人不能完其爲人之量。將個人獨具之魂煅煉之。堅固之。俾其與人人公具之性。合爲一體。永永不與性脫離關係。故半智半愚。亦迷亦悟。有所見聞知能。有不見聞知能。其餘惡人則不惟不能完其爲人之量。併將其個人獨具之魂戕賊之。鑿喪之。致其與人人公具之性。愈離愈遠。脫離關係。不但無不能知能見聞之造詣。萬勿僥倖。即如吾輩庸人。有所知能見聞。有不能知能見聞之技倆。亦且喪失。上月鄙人在奉天錦縣會場演說。大意謂人必實行道德。保住人人公具之靈性。然後可免去個人獨具之靈魂痛苦。即此故也。惟惜爾時以時間過促。未暇將此所以然之理發明盡致。俾無漏義。茲請爲大家補錄焉。性爲先天。魂爲後天。性爲先天無形無量之金。無量數劫不壞。魂爲後天有形有量之金。十二萬九千六百年一劫即壞。先天無形無量之金。渾然而爲人目所不可以見見。人心所不可

以思思。後天有形有量之金。釐然而爲人目所可以見見。人心所可以思思。先天之金。難言之矣。後天之金。可略言也。大凡後天之水易變。遇熱則成汽。後天之火易變。去薪則成灰。後天之木易變。火之則成炭。後天之土易變。燒之則成磚。而惟後天之金。則雖經百煉不變也。夫惟不變。故能長存。亦能歷十二萬九千六百年一劫不滅。人身之魂。即後天之金光也。究此人身後天一點金光。果何自來。曰。仍從先天無邊金光之所發出而已。但一經發出之一點金光。則有生滅垢淨增減矣。有生滅垢淨增減。而聖神仙佛庸愚凶頑因之判矣。要之。先天一性之妙。全在易之河圖。水爲五行開先。然生水者却是金。是大造以金爲原始也。此先天金無邊之光。發出一點。落於人身。便爲魂。人必有此魂。方能與性相遙接。而不斷絕關係。猶之傀儡必賴線索。方能手舞足蹈。而不與牽動之人斷絕關係。身與性。固賴魂以爲介紹也。人魂絕。則性不能牽動其身。而爲一死物矣。羲皇作易。剖開太極。劈破天心。最初落下一點。便成乾卦。乾爲天。孔子說之曰。大哉乾元。萬物資始。乾爲金。孔子說之曰。大哉乾乎。剛健中正。純粹精也。乾即中庸所謂天也。元即中庸所謂命也。乾元即中庸所謂天命也。天命之謂性。亦可解曰。乾元之謂性也。夫乾元非即先天無邊金光。圓陀陀然。明燦燦然。淨灑灑然。赤烟烟然。爲人人本來面目。而各教所謂無先無尊之上帝乎。宇宙



萬有。無論何者皆不得謂之性。而惟上帝方謂性也。上帝表現於物。則爲金木水火土之五行。上帝表現於人。則爲仁義禮智信之五常。行者行也。一刻不能止息。常者常也。萬古不能變遷。五行與五常相表裏。人皆知肉體必賴食五穀以生。不食則餒。久不食則死。曾知靈魂亦必賴食五常以生。不食則餒。久不食亦死。孟子曰。言飽乎仁義也。又曰。配義與道。無是餒也。其明證也。人能保守性之仁。擴充性之仁。則能受木之福。而不受木之災。人能保守性之義。擴充性之義。則能受金之福。而不受金之災。人能保守性之禮。擴充性之禮。則能受火之福。而不受火之災。人能保守性之智。擴充性之智。則能受水之福。而不受水之災。人能保守性之信。擴充性之信。則能受土之福。而不受土之災。總之人能實行五常之道德。則能獲五行之福祿。而不遭五行之災害也。今天下何如乎。今天下之人何如乎。惻隱之心不存。則失其性之仁矣。羞惡之心不存。則失其性之義矣。是非之心不存。則失其性之禮矣。誠實之心不存。則失其性之信矣。是非之心不存。則失其性之智矣。誠實之心不存。則失其性之信矣。失性之信。能不受土之災乎。宜乎近年以來。全球萬國。水火刀兵。瘟疫飢饉。與夫天變地震。一切奇災異禍之迭臻併至也。然則人欲免去個人靈魂之痛苦。必先保住人

人共具之靈性無疑矣。其故以性即上帝。上帝表現于人。即爲五常。人苟不失仁義禮智信之五常。即爲不絕上帝。能保住靈性。自然與上帝同在光明天國。共享極樂幸福。而免去靈魂深墜黑暗地獄。備受無量痛苦。良由靈魂之樂。先天無形無限之樂也。肉體之樂。後天有形有限之樂也。今請略舉一二。以備大家深思有得焉。如于人極困難時。解衣衣人。推食食人。或讀書久不解悟。其理。一旦豁然貫通。併向人告語。俾人亦豁然貫通。與印送善書於人。俾人一律悔過遷善。嚴事上帝。其樂在當時。每有不可言喻者。即後日追憶之。依然快足於心。而無一遮礙。此樂之屬於靈魂。爲永久者也。如飲食男女肉體之樂。或稍過度。而疾病即隨之。是樂即改爲苦因矣。此樂之屬於肉體。爲暫時者也。先天之樂廣而久。後天之樂隘而暫。後天有形有限之樂。較之先天無形無限之樂。相去殆不啻什百千萬億兆無量數倍。人又何苦窮極華洋車馬宮室飲食衣服。以逞肉體隘而且暫之樂。以致互相爭奪戰殺。成此極惡極危最痛最苦之世界也。其大惑不解。亦爲達於極點矣。倘人如再弗悟。上帝施以冥頑不靈之誅。竊敢斷其無一能倖免也。胡今天下之人。誤信過新學說。遂竟割棄無量數劫不壞之靈性。與夫十二萬九千六百年不壞之靈魂。而祇謀及數十年最短骨肉之身。僅僅講極端奢侈華洋車馬宮室衣服飲食。以衛骨肉之身之生。不知實

行道德。以保住人人公具之靈性。而免去個人靈魂無量痛苦。俾得永永長生乎。鄙人自九歲卽建議創設萬國道德會。無非欲全球萬國人人實行道德。以保住無量劫不壞之靈性。免去十二萬九千六百年之靈魂無量痛苦。較徒講華洋車馬宮室衣服飲食。以衛數十年最短骨肉之身之生者。相去天淵而已。此鄙人今日所以急急與諸公籌辦萬國道德會之苦心之深意也。萬國父老昆長諸姑伯姊。幸賜覽以匡不逮焉。萬國幸甚。中國幸甚。諸公幸甚。鄙人幸甚。

### 本會理事張臨安先生書江建議演說詞後

按江建議此則演詞。大聲疾呼。以歌當哭。垂涕泣而道。極痛切。極明了。俾人於言下頓悟。立出黑暗地獄。而登光明天國。其警切動人處。殆有似告子篇孟子發明心性諸章。竊以孟子之時。上無道揆。下無法守。朝不信道。工不信度。君子犯義。小人犯刑。國之所存者幸。孟子思於根本上解決時局。故發爲告子篇諸章心性之論。俾人深省。奈近世紀來。歐洲科學昌明。物質進化。影響於我國變更學制。力趨維新。矯枉失正。不惜將祖國數千年固有之文明。擯棄剷除。漸滅殆盡。弗顧中國國性若何。風俗習慣若何。歷史沿革若何。一意變本加厲。張冠李戴。道德廢絕。廉恥掃地。戰殺糜爛。盜匪猖獗。五常不講。五行失統。遂至受天五刑。如水火刀兵。瘟疫饑饉。與天變地震。一切奇

災異禍相因而至。所謂乖氣致戾。理有必然。無足怪者。而推其致病總因。則由十數年來過新之流。提倡廢讀孔經。使人人離却道德範圍。於是人禍天災。一時齊發。全國中無安居樂業之一日。殆較之孟子時爲尤甚矣。江建議於講演詞內。推明道德之原。原於中庸天命之謂性一語。以性爲人人公具的。以性爲個人私有的。以性爲先天無形無量之金。以魂爲後天有形有量之金。一而二。二而一。立論精確不磨。俾人共知金不壞。魂亦不壞。人不能見魂。人無不能見金。金既實有。魂定非無。以破過新學家人無靈魂之謬說。庶於共講肉體衛生外。併知保重靈魂靈性。所以然者。自新學人無靈魂之說倡。人始肆然自放。爭圖目前之快活。窮華洋之車馬宮室飲食衣服。極端奢侈。以慰其慾性。無厭之樂。而視聖賢所謂道德仁義禮智信等等。皆爲種種桎梏之具。於是範籬盡去。而禽獸之行徧天下矣。誠以人既確無靈魂。則生前之行爲。無關身後之果報。人又何苦於數十年最短期內。而不自恣其無限慾性。以取快暫時哉。此所以其說一出。全球風靡。釀成二十世紀互相爭奪戰殺。最大最烈之惡果也。其故緣欲縱慾性。非有金錢不可。欲有金錢。非爭權利不可。爭則戰矣。戰則殺矣。江建議從根本上將此說攻破。而人身確有靈魂之說。從此復成立矣。靈魂成立。宗教始成立。宗教成立。道德始成立。道德成立。國方能治。天下方能平。國治天下

平。吾儕小民。方得安居樂業。江建議真能於根本上解決時局。反覆說來。石破天驚。從未曾有。末復推及近今。以人五常之變遷。因感受天之五行之變遷。使人知中國受禍原因。皆由廢棄人道德。漠視孔經所致。誠所謂菩薩低眉。勝似金剛怒目。蓋作者有悲天憫人之願。發爲啓聵震聵之文。思以喚醒無量同胞於夢寐中。引之於孔孟中。正道德之途。俾知聖經隻字片義。皆有關天下萬世安危。所謂君子反經而已矣。經正則庶民興。庶民興。斯無邪慝矣。此其故也。或謂江建議言性。既是一個。併無其二。然則犬之性。猶牛之性。牛之性。猶人之性。與。孟子何爲以此詰告子歟。曰。性有先天後天之分。先天之性。不惟犬牛與人是一個。卽草木與人亦是一個。江建議所言性。祇一個。併無其二。係就先天無分別之性言也。非就後天有分別之性言也。先天無分別之性。仍卽江建議引孔子所言大哉乾元萬物資始是也。夫既云萬物資始。是不惟人資乾元爲始。卽犬牛亦資乾元爲始。且不惟犬牛資乾元爲始。卽草木亦資乾元爲始矣。孟子所言犬之性不同牛之性。牛之性不同人之性。係就後天有分別之性而言也。卽江建議所言之魂是也。一人固自有一魂。卽犬牛亦自有一魂。夫人之魂。異於牛之魂。牛之魂。異於犬之魂。固也。卽惡人之魂。亦異於庸人之魂。庸人之魂。亦異於賢人之魂。賢人之魂。亦異於聖人之魂矣。然則江建議所謂先天無分別

之性。並無生滅垢淨增減。後天有分別之魂。始有生滅垢淨增減。豈不然哉。聖神仙佛庸愚凶頑。不因先天之性爲分判。實因後天之性爲分判也。即實因後天之魂爲分判也。子又何得以江建議之言性。爲同於告子言生之謂性乎。願有扶持世道挽救人心之大君子。將此演詞。印佈數十萬。及數百萬。數千萬。不等。以力挽現世之人心。俾人人皆將此理。印入心目中。自然良心日生。道德日長。爭奪日少。戰殺日息。人心轉移。天心挽回。一切水刀火刀兵瘟蝗飢饉。與夫天變地震。一切奇災異禍。自消化於無形矣。斯誠救世徧寶光。大地之警鐘也。誠以中外幅員如彼之廣。道里如彼之長。江建議氣體素弱。兼在大學肄業。實難徧歷各處。盡人而告語之。此固出於勢之所不能。而爲人之所無可如何者也。近各分會。以本年江建議於暑假內。先往東三省遊講。到處長官鉅紳。無不嘉許。如張總司令。張副司令。吳副司令。前鮑總長。暨吉黑兩省長。與各廳長道尹縣長。師旅團營長。均予極力保護。優禮逾恆。至兵農工商各界。尤殷殷歡迎。所至之處。執旗奏樂。若惟恐後者。倘非丰采言論。實有足令人悅服之處。胡爲能感人。以至於斯耶。亦必欲邀請一到其境。以慰大衆生平渴望之殷。其意固甚可感。其請實難盡允。况江建議迫不得已。縱能親往。設再如哈爾濱。以到會場人數太多。不能開講。且欲遙望顏色。亦往往不得。又將奈何。倘蒙各分會將此

演詞廣爲流通。併江建議肖像製成銅版。印登演詞之首。多多送閱。俾山陬海濱。窮鄉僻壤。男男女女。亦得瞻其丰采。聆其言論。皆了然於此理之不可破。自不爲過新學說所誤。則一轉移間。便默爲全球造無量無邊之幸福。而最重最烈戰殺之世界。因之速挽其不識字不解文之人。可由熱心通俗講演家。與之明白解釋。剴切指點。較強邀江君到境。以人多不能開講。與不得望見顏色者。收效之多。殆不可以道里計。如是則江建議可省跋涉之勞。各分會亦可省供應之費矣。一舉兩得。何便如之。尙望各分會之俯採芻蕘也。萬國道德籌備總會理事張知容謹跋。

殷明剛先生演講稿

原夫道之出于天。俾人共由。永爲世俗法典。遵守勿踰其闕。是故古之聖王制禮作樂。皆法乎天。欲人之心平氣和。性靜情逸。怡然濫樂。敦然謙虛。正而直。公而良。勤而儉。愛而恭。去其奸詐之私。禁其恃勢之爭。勿爲無益之害。毋憚己過之非。仁而廣被。藹若可親。俾天下之人均沾化育。其心若天地之心以爲心。其氣亦若天地之氣以爲氣。如朱子禮之中庸篇注云。吾之心正則天地之心亦正矣。吾之氣順則天地之氣亦順矣。此道之本原合乎天地。故易之文言曰。與天地合其德。與日月合其明。與四時合其序。與鬼神合其吉凶。此言道之爲物。無不包括六合之中。渾然天理。

無不出乎道字之外。道之所以爲廣大莫及矣。世俗之衰。去道愈遠。其道愈湮沒而不彰。其德不顯。則反古之道。日事爭攘。爲民日尙貨利。孳孳不倦。習成交易賭博性質之人民。日趨月盛。演爲局勢之詐欺。爲政鸞利而求名。不知何物爲廉耻。若有鄰境嫌隙。日尋干戈。以報仇讐。且不知止。亦不知匡救補過。以遏方來。竟使大好山河。險作陸沈之禍。孟軻有云。上下交征利而國危矣。然古之聖賢至于今。略有二千三百餘年。國雖不國。聖賢典要之書流傳于茲。猶稱國之至寶焉。可見道之系統不絕如縷者。有堯舜禹湯文武周公。傳之孔孟。孔孟傳之于今。其道之不修。由是若存若亡之間。士不重古之道。且好歐風西來。謂之美德。于是士不重孔之道德。焉能俾民間風而興起。爲商因之歐化之是求。我華國政日移而月改。亦惟歐風之是求。可謂善變國俗矣。惟今之世。豈有古道德哉。茲國事甫新伊始。江浙禍亂弭平。正堪羣衆士庶覺悟之秋。漸悔昔日歐化貽誤也。某爲思之。實欲爲諸君將來之懺悔。非從古之道德入者則不可。且將山東前立萬國道德會。推廣普及。以利羣庶。挽救狂瀾既倒之人心。拔登誕此大邦之道岸。是故爲滙分設。以招諸君入其門牆。而望堂奧之美。由茲登階而入室。况子思子所云。修道之謂教。可離非道。道須臾不可離。若無終日之間。可去其道矣。非此必造次於是。顛沛於是。君子去道。烏能成名乎。道乃自天之



所出。然人均賴蒼天而存世。豈能去天而自存。天不可去。其道可去乎哉。今之倡大同者。孔子豈不云乎。禮之禮運篇云。大道之行也。天下爲公。此聖門之尙也矣。

# 提倡道德救國論

易學研究會 楊踐形講稿  
梁溪道德會

## 第一篇

國家之治亂奚繫乎、繫乎風俗之厚薄。風俗之厚薄奚視乎、視乎道德之隆衰。道德之隆衰、即人心正邪之所由也。是故道德隆盛、則人心正直、而風俗因之以醇厚。風俗醇厚、此國家致治之母也。道德衰頹、則人心邪忒、而風俗因之以澆薄。風俗澆薄、此國家擾亂之根也。夫欲臻國家于致治之域、而盡鋤歷年擾亂之莠種、規風俗于醇厚之軌、而不變積習澆薄之惡化、非馴致道德于隆盛、不爲功。而欲馴致道德于隆盛者、必先擴充道德之教育。欲擴充道德之教育者、必先尊崇道德之範。欲尊崇道德之範者、必先各人念念惟道德處實踐道德、乃至時時力行道德。而不倦欲思惟道德實踐道德、乃至力行道德者、必先有篤信道德之精神。欲有篤信道德之精神、必先有徹悟道德之智識。欲使各人有徹悟道德之智識、不可不有闡揚道德之書報演講道德之會社、以及發揮道德之事業。而尤在有表彰道德之法、以爲昌明道德之基礎。欲有表彰道德之法、以爲昌明道德之基礎、則不可不有提倡道德之人物、以爲身作则正己而化人也。蓋天下之本在國、國之本在家、家之本在身、而身之本、則在乎道德。人能道德、有于身、則其身正。

其身正則不令而行其家亦正其家正則其鄉黨州里受此感化薰陶無不同歸于正鄉黨州里無不正而後推之于一國則一國正推之于天下則天下皆正天下皆正則教化不播而自行頽風不革而自變此所以釀里仁而致俗美也賊盜不禁而自絕于戈不戢而自靖此所以弭戰禍而遏亂源也夫處今日之中國外患未消而強鄰猶深伺于外內訌浸長則疆吏方私門于內連年災禍厥賜全受政客之餽餘百物昂貴其咎實由奸商之壟斷盜賊蠶起不外騁華門麗之誇張廉耻喪盡無非聖教文化之廢弛將欲救國運以留元氣足財用而紓民生挽既倒之狂瀾作中流之砥柱而求其簡便易行人盡能爲有百利而無一弊繩賢良而垂久遠上希孔子能弘日新之旨直追亭林天下興亡匹夫有責之誼可爲今日先務之急者其即在提倡道德已乎道德二字原出于六藝之典雜見于諸子百家之書而實存于尋常日用動靜云爲之際一人特有之則一人獨得其修已安人之利衆人互有之則衆人共得其修已安人之益人無智愚俗無文野地無中外時無今古天之所覆地之所載日月所照霜露所降凡有血氣之倫圓顛方趾戴髮含齒之屬苟是人類對于道德莫不知所尊親是故一聞道德之名一聆道德之言一見道德之行則未有不整然歛容肅然起敬而景仰羨慕之心不期而自生者此可以覘道德之感化人心至

易且至深也

第二篇

夫道爲經綸天下之大本。德乃範型。聖人之初基。君子修之終吉。小人反之必凶。履霜堅冰。所以辨未然之漸。恐懼修省。所以率天命之性。天命之性。渾然全體。本無所不賅也。率性之道。大化流行。自各有條貫也。聖人修道以爲教。進德以居業。得其門而入焉。則君子日用之工夫也。是故誠爲入門。則自強不息也。謙爲入門。則以虛受人也。克己爲入門。則省察身心而自勵也。致知爲入門。則曲成萬物而不遺也。恕爲入門。則推己以及人也。靜爲入門。則無欲以養心也。慎爲入門。則明嫌別微。所以戢未形也。敬爲入門。則居處執事。所以免苟且也。聖門標指。固非一途。前賢以是啟發後學。以是進修。孟子所謂君子深造之以道。欲其自得之也。自得之者。得之于心。乃所以爲德也。正是居之安。資之深。左右逢其源而已。動容貌而能遠暴慢。正顏色而能近信。出辭氣而能遠鄙倍。三者道之有得于身者也。所謂德也。君子修之。所以其道日弘。其德日新也。中庸以五倫爲天下之達道。以知仁勇三者爲天下之達德。蓋卽今世所謂人格也。韓昌黎之言道德也。以由仁義行而之焉之謂道。足乎已無待乎外之謂德。朱紫陽之言道德也。謂道猶路也。德者得也。行

道而有得于心也。至于歐美哲學家之言道德也，則以道爲人之本務，而以德爲本務之習慣性焉。是足徵道德二字之定義，全世界之所共認也。道德之定義，既共認，則道德之範圍，豈有不共認者乎？姑就其淺近者言之，有如求學爲學生應盡之本務，習久則臻其天性之自然，而爲勤勉之道德焉；衛生爲常人應盡之本務，習久則臻其天性之自然，而爲節制之道德焉；愛敬父兄爲子弟應盡之本務，習久則臻其天性之自然，而爲孝弟之道德焉；効力國家爲國民應盡之本務，習久則臻其天性之自然，而爲忠義之道德焉。是故道之所在，即德之所在也；道德之所在，則天下一切事理之所在也。夫天下之事理，無盡故道德之功用，亦無盡；道德之功用，無盡故君子之心量，亦無盡；心量無盡，此所以藏之雖存于一身，而推之則普于萬有，信乎語大則其大無外，而天下莫能載，語小則其小無內，而天下莫能破。行諸家國，則道德即在家國；施諸民物，則道德即在民物；措諸事業，則道德即在事業；著之文章，則道德即在文章。道德之無所不在，即君子心量之無所不遍也。夫食無求飽，居無求安，此君子好學之道德也；見義必爲，聞過必改，去惡務盡，樹德務滋，此君子力行之道德也；非禮弗動，非義弗取，見危致命，委身不辱，此君子知耻之道德也；內省不疚，屋漏可質，仰不愧天，俯不忤人，此君子不惑之道德也；危邦不入，巖牆不立，天壽不貳。

修身以俟。此君子知命之道德也。臨深履薄，啓手啓足，身體髮膚，不敢毀傷，此君子歸全之道德也。富貴不淫，威武不屈，窮達利害不移其操，此君子持志之道德也。放之則彌卷之，則密浩然，獨存塞乎天地，此君子養氣之道德也。仰之彌高，鑽之彌堅，忽焉在前，忽焉在後，此君子希聖景行之道德也。不謀其利，不計其功用，之則行，舍之則藏，此君子明理翼教之道德也。先憂而憂，後樂而樂，天下與亡匹夫有責，此君子治國經世之道德也。立人達人，因材而篤，任重道遠，繼往開來，此君子參贊化育之道德也。聲名洋溢，施及蠻貊，凡有血氣，莫不尊親，此君子光被天下之道德也。行世爲法，言世爲則，聖人復起，其出一揆，此君子儀型萬世之道德也。是故君子無所貴貴乎，有道德而已。

### 第三篇

君子之有道德也，君子而時修，小人之反道德也，小人而無忌憚也。小人不知修省而無忌憚，是以踰限而每失檢點，縱慾而必至敗度，外受物感之所牽引，則理義湮沒而不彰，內任耳目之所誘惑，則聰明蔽塞而無用。舉凡博奕爭鬥，酗酒貪婪，放僻邪侈，荒淫流蕩，諸習以及一切傷風敗化，玷名喪節，寡廉鮮耻，悖禮蔑倫，諸事君子之所不欲，爲不敢，爲不屑，爲者而小人獨爲之一爲。

之不已。而至于屢爲之屢爲之不已。卒至于道德淪亡。積惡戕身。雖死而不悔也。嗚呼。人之所以異于禽獸者。幾希。賴有道德。以爲之界限耳。道德淪亡。則人類與禽獸奚擇焉。人類有飲食夫婦之欲。則禽獸亦有飲食夫婦之欲。是飲食夫婦之欲。人類與禽獸無異也。人類有智識造作之能。則禽獸亦有智識造作之能。是智識造作之能。亦人類與禽獸無異也。推之人能言語。而禽獸亦能言語。人知感化。而禽獸亦知感化。然則人類之與禽獸。苟非以道德爲之界限。將何所從而異耶。噫。此正道德之所爲尊貴也。人有道德。而禽獸不能。有禽獸不能。有道德。此禽獸之所以終爲禽獸也。人有道德。此人類之所以靈長。萬物役使。萬物而配天地。爲三才。以作宇宙萬有之主也。是道德者。天之所以獨賦于人。而人之所以獨稟自天者也。故曰。天生烝民。有物有則。民之秉彝。好是懿德。天賦道德于人。而人自不能享。用此自棄其天者也。人稟道德自天。而人自不能擴充。此又自暴其人者也。自棄天賦。自暴人稟。此人之不欲爲人。而自儕于禽獸。不齒于人類也。人而自儕于禽獸。不齒于人類。雖聖人亦末如之何也已。然而杏壇設教。必因其材而篤。時雨施化。定見有教無類。所謂人同此心。心同此理。凡屬人類。斷非不可教誨。即無不可感化之處。故雖不道德如小人。司教育之責者。苟能諄諄善誘。引登道德之門。亦未嘗不可使復其天命之性于本。

然也。是則道德尙未普及之前，有君子復有小人，而小人竟得與君子並稱。至于道德已經昌明之後，有君子即無小人，則小人皆盡化爲君子矣。所謂君子之德風，小人之德草，草上之風必偃也。此道德不第爲人類判別禽獸之界限，實足爲小人升進君子之階梯。安得知幾之君子，與之一辨善惡之原，而豫爲感化時措置地耶？夫導人爲善，每在善幾方動之初，禁人爲惡，亦在惡幾未見之先。幾者，善惡之微者也。人能從微處早辨而防之，于未形則教化之感應，使人日善遠罪而不自知矣。是故洗滌其利欲熏染之人心，而擴充夫仁義漸摩之道心，則其心正，循踐此彝倫稟賦之常形，而充實夫品物含章之美形，則其身修，人果能革去其非心而自洗之，即亦可充實此美形而自踐矣。盡其心踐其形，乃所以充其在我之道德也。是故道德有于身，則我貴，道德加于民，則我尊。非積學之士，又烏能時修君子儒爲己之學，而致萬物皆備于我耶？

#### 第四篇

夫天。之。生。我。地。之。長。我。日。月。之。照。臨。我。父。母。之。鞠。育。我。師。友。之。教。導。我。衣。食。住。用。之。贍。養。我。無。非。爲。有。我。而。施。也。我。受。天。地。日。月。父。母。師。友。衣。食。住。用。之。錫。而。有。我。外。而。成。形。則。有。我。身。內。而。存。神。則。有。我。心。辨。而。接。之。則。有。我。名。推。而。及。物。則。有。我。性。理。而。治。事。則。有。我。情。與。天。地。參。則。有。我。存。我。



之爲我。如是其至重且至尊也。顧我不可于我。所以有我者而加之意。歟。我之所以有我者。無他道德有于身。言行出于己而已。君子居其室。出其言善。則千里之外應之。況其邇者乎。居其室。出其言不善。則千里之外違之。况其邇者乎。言出乎身。加乎民。行發乎邇。見乎遠。言行君子之樞機。樞機之發。榮辱之主也。言行君子之所以動天地也。可不慎乎。慨自西學東漸以來。一般時髦俊傑。靡不醉心歐化。以自銜新奇。破除舊習。別建新猷。其情至深。其心亦至切矣。惜步驟太急。矯枉過正。其甚者且并中國數千年來相傳之道德精神。亦剷鋤不遺餘力。馴致流弊叢生。瘡痍靡潰。而不可收拾也。是故實利之說興。而厲行刻苦之風息。狡猾者借實利之名以陰逞其奔競。攫取之私欲。馴致其極。必僅知有實利。而不復知有道德矣。自由之說興。則明嫌別微之迹。息奸險者借自由之名以陰逞其惑世誣民之私欲。馴致其極。必僅知有自由。而不復知有道德矣。平權之說興。則上下尊卑之分。息凶惡者借平權之名以陰逞其非孝犯上之私欲。馴致其極。必僅知有平權。而不復知有道德矣。社交之說興。則遠近親疏之誼。息淫亂者借社交之名以陰逞其滲上。桑中之私欲。馴致其極。必僅知有社交。而不復知有道德矣。權利所在。上下交征。時會所趨。儼成風氣。社會道德。遂如江河之日下。無可挽回。十三年來。干戈之擾攘。民生之日蹙。陷國家禍亂。

迭尋之境者，何莫非社會道德之日就卑下，暗醜明造，有以養成之也。故今中國之大患，不在軍閥政客之不能覺悟，不在共產過激之異說橫行，而在道德之淪亡，足以使世風日就澆薄，人心日即奸險也。夫世風之日就澆薄，人心之日即奸險，固由于道德之淪亡，而道德之所以淪亡，實由于提倡道德者無其人，提倡道德者無其人，此道德之所以不明且不行也。昔者孔子嘗嘆道德之所由淪亡矣。其言曰：道之不行也，我知之矣；知之過而愚者不及也；道之不明也，我知之矣；賢者行之過而不肖者不及也。又曰：道其不行矣夫。又曰：中庸之爲道德也，其至矣乎！民鮮能久矣。（論語引此句則無能字，中庸篇又少之爲德也四字）夫謂德之鮮能，道之不明且不行，此孔子深嘆道德之淪亡，而其悲痛之聲一見于語言之間也。朱子之註若曰：知者知之過，既以道德爲不足行，而愚者不及知，又不知其所以行，此道德之所以常不行也。賢者行之過，既以道德爲不足知，而不肖者不及行，又不求其所以知，此道德之所以常不明也。是故君子之于道德也，己未有知，則求其所以知之切，己未能行，則求其所以行之力。知焉而未達于行，猶非真知也；行焉而不得其知，猶非篤行也。故既能自明其明德矣，乃可遵道而行也。此所以道德文章萃于君子之身，己立立人，己達達人，不忍默睹運會之潛移，道德之淪喪，教化之陵夷，慨然以弘

道新德爲己任。本其飢溺猶己之心，兼善同人之志，道濟天下，德化羣氓之懷，而經綸世變，教育英才，爲前聖繼絕學，爲後賢作師表，登高一呼，衆山齊響，同聲相應，同氣相求，懿德出于同好，至誠自然交孚，四方之慕道好學，聞風興起者，不遠千里而來，拔茅連茹，同登道德之堂，盡性踐形，優入聖賢之室。從此一德一心，君子以同道爲朋，禹稱善人而不善人遠矣，故一鄉之善士，斯友一鄉之善士，一國之善士，斯友一國之善士，天下之善士，斯友天下之善士，保國粹以留民氣，尙講學以振士風，始自一人之獨善，而卒至天下皆善，此皆提倡道德廣治人心之益也。當今之世，欲求國勢之隆盛，民生之富強，時局之安寧，人心之正直，息內訌而弭外患，消戰醜而靖匪氛，非提倡道德教育，以尊重倫理，將何法以致之？孔子之播仁聲也，振之以木鐸，宣之以金口，近悅遠來，順乎天而應乎人，集義配道，教有功求，有得則修身，以俟德不孤，必有鄰矣。所以道德不可不提，倡而提倡，尤不可無其人也。有心于國家之治安，風俗之醇厚者，詎可忽諸。

## 時局和平根本問題

國家之治亂。繫於風俗。風俗之美惡。由於人心。人心之邪正。關乎道德。今也人心變幻。道德淪亡。風俗卑污。國家陵夷。逞私欲之橫流。置公理於不顧。實足破壞紀綱。斷喪人道。嗚呼。禮義廉耻。國之四維。四維不張。國何能國。國家須由人立。惟心爲衡。心不正。豈可爲人。人不積焉。能成國。國民欲享自由幸福。奮發自治精神。尤在不偏不倚。中正和平。崇尚道德。振飭四維。禮有恭敬揖讓之容。謂之明禮。義有時宜制事之爲。謂之正義。廉有清潔高尚之風。謂之清廉。耻有愧怍不辱之態。謂之知耻。此四者。皆古聖人治天下之大本。信能遵行。何患兵禍之不戢。時局之不寧。世人欲求解決此時局和平之根本問題。非從明禮正義清廉知耻四端着手。安能有濟。讀者諸君。幸察詳焉。

### 明禮章第一

天地之大。人民之衆。事物之繁。品類之雜。紛紛紜紜。勞勞碌碌。日奔馳數萬方里之中。雜處於四百兆人之內。欲使之有倫有序。不蔓不支。遵規矩守法律者。當以禮爲之維持也。故禮爲四維之一。即爲萬事之本。一事不由禮。則一事不能就緒。一人不由禮。則一人不能守法。詩曰。人而無禮。

胡不遘死。孔子曰：不學禮，無以立。此言人不學禮，不能自立於世界之上。彼世之無禮者，偷生人世，不如死之爲愈也。禮之所關，豈不大哉。昔漢高帝初得天下，即命叔孫通制禮儀，而漢之天下統一，周公定禮樂，而周之天下大治。誠以禮爲立國之大本，朝野上下不可不急爲講求也。今者所講之自由，且不識自由之真諦。事事而越禮，所尙者平等，不知平等之真義。事事而背禮，所談者過激邪說，事事而非禮，而袞袞名公，莘莘學子，以放浪爲開通，以繩檢爲拘束，薄視先聖先賢之禮節，弁髦歷代之儀文。見有遵禮守法者，非諂之爲迂儒，即斥之爲腐士。在上者假法律以拘束人民，而已身日遊戲於法律之外，犯賭博，犯邪淫，貪贓納賄，恬不爲怪。在下假者開通，以趨赴時好，而已身日奔走於風塵之中，談新學，談時務，越禮犯分，至死不休。此皆禮維不張之故也。以如是之人，當今日之事，老弱轉乎溝壑，少壯流離四方，嗚呼！其何以固邦家，其何以臻上理哉。今欲使國基鞏若磐石，外可以勵友邦，內足以絕亂源，惟在上者共敦禮節，在下者共守禮法，上下皆以禮爲根本，國基自可永久不壞焉。

正義章第二

人生天地在間，所最難能而可貴者，義而已矣。義之所包甚廣，而其爲用甚大。人不知義，則萬事

不能行人不守義。則百爲不能成。古云天經地義。實則義之中。包括天經在內。凡古來大忠大孝之人。即古來深明大義之人。古來大廉大節之人。即古來素守大義之人。古來大智大勇有爲有守之人。即古來不忘大義之人。蓋義之於人。如木之於根。如水之於源。根深則葉茂。源遠則流長。故文天祥之殉難。人皆曰舍生取義。顏杲卿之死節。人皆曰深明大義。孔子曰。信近於義。言可復也。以此知義之所關甚大而甚遠焉。况義者事之宜也。欲事之合乎宜。必先求其心之無愧於義。此一定不易之理。今則見利忘義也。比比皆是。而顧名思義者果誰人乎。士不知義。甘棄孔孟之書。農不知義。盡忘稼穡之本。工不知義。空鬥技巧之能。商不知義。爭貪蠅頭之利。而且軍不知義。常存反覆之心。官不知義。大開賄賂之門。紳不知義。競效夤緣之習。求一深明大義如古之端人正士。以國事爲前提。以身家爲後事。以保衛地方。維持名譽。爲惟一無二之天職者。渺不可得。國勢日衰。人心日壞。職此之由。又何怪焉。故欲救今日之國家。其必各盡乃心。以義爲之根本。士農工商。以及官紳軍界。均能遵守大義。則世風可轉。國基自固。否則恐四萬萬人民。盡入陷阱之中。二十二行省。共遭爭奪之禍矣。

### 清廉章第三

時局和平根本問題

大地搏搏。人民擾擾。欲於衆濁之中。求一獨清之士。如日月之高懸。光明射目。如冰雪之凝結。清潔無瑕。其惟廉字加之意乎。蓋廉爲崇儉之本。又爲立節之原。廉爲正心之根。又爲潔身之主。不廉即奢。而偷德從此失焉。不廉即貪。而節操從此喪焉。不廉即亂。而心術從此壞焉。不廉即靡。而聲名從此裂焉。古人守四知之戒。慎一介之取。皆廉潔之心。有以致之。其昭垂青史。流光典籍也。宜哉。是故人之存心。不可不以廉爲之本人之做事。又不可不以廉爲之根。近來世風不古。人心日壞。寡廉者。比比皆是。守廉者。百無一二焉。濟濟多士。非不自命爲高雅也。而見利爭趨。高雅者。變爲卑污矣。芸芸農夫。非不自誇爲貴重也。而見富則傾。貴重者。變爲苟賤矣。莽莽百工。非不自視爲聰明也。而利令智昏。聰明者。變爲癡迷矣。營營商賈。非不自稱爲寬厚也。而蠅頭不讓。寬厚者。變爲刻薄矣。又可笑者。紳則奔公門。以使其巧詐之計。官則不顧公理。以肆其賄賂之謀。而且國家設兵以衛民。今則增兵以擾民。民反見兵而遠避。此皆上行下效。不廉之故也。不廉則國不能治。不廉則民不能安。不安則變故百出。天下紛擾。有必然之理也。彼不廉者。其何以自立於大地之上哉。今爲世人正告之曰。欲治今日之天下。救今日之國家。安今日之人心。非以廉字爲先不可。士而廉。則天下多高雅之士。農而廉。則天下多貴重之夫。工而廉。則天下多聰明之子。商而

廉則天下多寬厚之徒。以及紳則絕足公門。敦尚高潔之風。官則恪守箴規。屏除貪婪之習。兵則道循紀律。不起擾民之心。合工農士商官紳兵丁。皆以廉爲尚。則天下之治。人心之安。國基之固。可操左券矣。

#### 知恥章第四

孟子曰。恥之於人大矣。又曰。不恥不若人。何若人有。是故恥者。人之所不可無。國之所不可少也。欲於大地之上。人類之中。挺然獨立。卓然不羣。足使四百兆人之衆。千萬國之民。仰之如泰山。望之如日星。尊之如帝天。稱之爲神聖者。當先有恥不若人之心。乃能居上人之位。聖經云。知恥近乎勇。蓋惟有恥。乃能勇於爲人。勇於爲國。勇於爲天地立心。勇於爲生民立命。天下之畏其勇。服其勇者。自帖然俯首。不敢有違叛之情。而國基亦鞏若磐石。堅固不移。否則天下之人。皆趨於無恥之途。學問不如人。而士不以爲恥。則教育終無發達之日。製造不如人。而工不以爲恥。則工藝終無精良之候。物產不如人。而農不以爲恥。則種植終無振興之時。經濟不如人。而商不以爲恥。則商業終無暢旺之地。政治不如人。而官不以爲恥。則政教終無郵隆之望。軍事不如人。而兵不以爲恥。則戰陣終無強盛之功。古之聖主明王。臥薪嘗膽。力謀恢復。忠臣義士。粉生碎骨。甘死國



難。以及近今東西各國。奮發有爲。爭勝於地球之上。凡工戰。農戰。商戰。學戰。兵戰。日夜營謀。不肯甘居人下。爲萬國所譏誚者。皆知恥之心。有以致之也。况中國士不求實學。反自命爲通儒。農不求美利。反自命爲善耕。工不求精良。反自命爲聰明。商不求振興。反自命爲善賈。官不求善政。反自命爲循良。兵不求保國。反自命爲堅強。由此觀之。恥安在乎。舉天下之爲士。爲農。爲工。爲商。爲官。爲兵者。皆不知恥。不若人。又何若人之有哉。今若人人有恥心。即人人有憤心。人人有憤心。即人人有愛國之心。人人有愛國之心。即人人有衛國衛民之心。能如此也。猶有國之不治。亂之不平者。斷斷乎無是理矣。

# 世界新生理學

奉天北鎮宋唯一著

## 第一章 生理學之綱要

夫人生世間。不知體育。何有精神。不養精神。何有智育。不講智育。何有學問。不求學問。何有德育。信如是。則三育之原。根於生理也明矣。蓋時至今日。言生理學者。不爲不多矣。然皆以後天生理爲生理。從未聞有以先天生理爲生理者。舍本逐末。不亦重可惜乎。且先天生理。能益後天血肉之形軀。後天生理。斷不能益先天元神之性體。其勢有必至者矣。原夫吾人之生命。本軀殼與元神和合而成者。謂一人而有二種生命可也。二種生命。苟缺其一。則人類倏然消滅。無復生存之理也。故人所以養軀殼之生命者。飲食是也。所以養元神之生命者。祖炁是也。人只知重飲食而保軀殼。並不知重祖炁而培元神。何重其所輕。而輕其所重哉。夫一日不食。則疲。三日不食。則病。七日不食。則死。飲食之重固然矣。庸詎知體質堅強之人。若須臾不得祖炁。元神無依。必致脫離軀殼。而謂軀殼無恙。有是理乎。鄙人今發明採煉空炁成分之術。乃用機器吸收空炁。納於機器鍋內。與蒸炁混合。化爲甘露。由爐入鼎。其炭素隨水下注於鼎底矣。惟輕素而爲自燃體。養素而

有助燃性。二素分而復合。化出燈光一縷。流瀝一滴。水火既濟之功。而成祖炁立霜之妙。乃液體化爲氣體。氣體變爲固體耳。至於服食祖炁立霜之妙用。則誠有九轉虛靈之法。三乘之功。初服下乘三轉者。却病延年。體育之基立焉。次服中乘三轉者。聞一知十。智育之功見焉。終服上乘三轉者。善根增長。德育之道得焉。夫此三育。均是性天道理。頭腦學問。實爲全球無上之妙術。古今所闕如者也。鄙人受先嚴指點。閱中外哲學。因於無字中。化出妙義。故敢獨闢新幾。別開生面。亦不過發前賢所未發耳。況前賢爲山。已及九仞。鄙人特益一簣之土。以求達到目的而已。故拙著多有辯論古書之處。而又雜以未經人道之語。雖尊孔氏刪書之義。究竟責我謗賢。污我杜撰。在所不免。然而千古疑案。或因此而解釋。亦幸事耳。嗟乎。此書一出。恐社會未必歡迎。蓋因世人對於學術思想。素來缺乏。凡守舊者。一見新學。就去反對。喜新者。一見新學。就去崇拜。究竟這種學說。是因何反對。因何崇拜。都無具體的研究。澈底的了解。總是國民性質弱點。文化之障礙耳。惟賴天下名流。仁人君子。贊成於前。傳播於後。俾世人曉得斯書之道理。則國家前途大有進步焉。

## 第二章 空炁溯原之定義

吾人戴高履厚。以生以養。若不知浩浩者太虛爲何事。渺渺者空炁爲何物。豈不虛生也哉。鄙人

嘗考太虛先天真空之神。萬劫不磨。杳無朕兆。於虛極靜篤。發出祖炁一縷。以爲萬炁之宗。包羅三界。化育羣生。實爲天地人物之大主宰也。原夫神（此神即是太西耶穌教所言天主也）當混沌未分之際。虛空動機一發。則鴻濛剖判矣。迨至開闢之後。居在太虛天界。每日化生祖炁。發竅於中辰。衝動於中極。撥轉璇璣。斗柄所指。是即炁機之到處也。其爲炁也。清者上升。則充塞九天。即天炁也。濁者下降。則流入地脉。即地炁也。天炁乃輕素。地炁乃養素。輕素而爲自燃體。養素而有助燃性。輕養二素。恰遇空中。則發火光如電。並起响聲似雷。同時生有水滴。即沆瀣露炁也。此炁化生大炁。即空炁之謂也。彌漫於兩大之間。氤氳於六合之外。萬炁歸一。祖炁包羅。似有結而不懈之勢焉。至於太虛中脉。由宗動下至地心。約六萬四千七百三十三萬八千六百九十餘里。澈上澈下。一炁貫通。即至炁積於上。自然下降。炁積於下。自然上升。二炁一起一伏。極則必反。此陰陽自然之理也。是冬至以後。地炁上升。天炁下降。當此之際。迎祖炁也。夏至以後。天炁上升。地炁下降。當此之際。接祖炁也。而人在空炁之內。天地之間。亦何嘗不隨地體之上迎下接。以受寰宇一貫之炁乎。然則吾人於空炁中。得以生息不絕者。皆此大炁之功也。不然者。天離炁。則七曜必隕。地離炁。則萬物必消。人離炁。則生命必絕。蓋祖炁之生成二才一體。全藉太虛元神以爲根。

抵耳。奈無人倡明而推求之。豈不惜哉。

### 第三章 空添生理之功用

太虛蘊靈。涵三抱一。天地與人。渾然一體。真空元神。乃太虛之中心點。天地物我之主人翁也。原太虛元神。生化萬物。故萬物莫不各有元神也。晰而言之。一物有一物之元神。此小德川流所謂一本散爲萬殊也。合而言之。萬物統歸一元神。此大德敦化所謂萬殊歸一於一本也。由是觀之。太虛元神。爲萬物元神之始祖也明矣。夫人配天地爲三才。實爲萬物之靈。然其所以靈者。以元神賦畀獨優之故也。且此神既爲太虛元神所賦。畀地位居於頭部之中。鄙人故名之曰腦神。此神靈明則生智。此神昏憤則健忘。此神活潑則神經強。此神倦惰則神經弱。人病則此神衰。人死則此神沒矣。然則鄙人發明腦神。爲人身之主宰。豈無據哉。譬如電報然。腦海者電池也。腦筋者電線也。腦神者司電之人也。由是以觀。則腦神與腦筋二者。孰爲人身之主宰。不辯自明矣。鄙聞太西哲學。所論腦部中。有大腦小腦之說。鄙以爲大腦者。無非腦神之軀殼。小腦者。無非腦筋之根蒂。無奇特也。况腦筋貫於全體。傳外來之感覺。報告於腦神者。謂之覺悟腦筋。聽受腦神之命令者。謂之運動腦筋。腦筋爲腦神驅策之奴隸。腦神爲駕馭腦筋之主人翁也。總之。腦神於吾人

有最大之關係。不可不極力維持而保衛之。是以今世之文明國。未有不講求衛生者。而衛生之書。遂致汗牛充棟。不克卒讀。然類皆老生常談。無濟實用。惟西人創論養蒸衛生之說。全球贊助而稱許之。以爲千古奇聞。殊不知西人之所論。是則是耳。以鄙觀之。其間似有未盡者。原始要終。探源索隱。和盤托出。一言以蔽之曰。非養蒸也。夫吾人欲求不死。當求無病。當求健康。當求健體。既求健體。宜求維持神經。能維持神經者。斯能啓發腦神之靈矣。區區養蒸所能爲力乎。必須講求特別方法。乃能發到目的耳。或問啓發腦神之靈若何。夫不有太虛之祖蒸乎。其爲蒸也。即空蒸之原素耳。蓋人以呼吸器收空蒸。轉於循環器內。化分炭轉養之三元素焉。夫炭素者。乃塵寰之濁蒸呼而出之也。惟輕素發於天。歸人氣分。養素發於地。歸人血分。二素各歸各途。周而復始。轉於玉環。復歸一體。化出蟾光。激出水滴。是即太虛沆瀣露蒸也。是蒸也。循環八脉。徧行奇經。上升兜率。以養腦神。實爲人生活之大關鍵也。吾人每晝夜有一萬三千五百息。所吸空蒸。化分三素。提出祖蒸無多。以供腦神生活。倘一失慎。不敷所用。腦神失養。於以災病叢生。人多夭折。烏可不求一挽回之術乎。以故天降聖人。創成妙器。採煉空蒸。凝結玄霜。專補腦神。實全球無上之妙藥也。凡服藥者。當知九轉三乘之法。不獨衛生已也。上乘服之。培善根。自入德育之道。中乘服之。

啓滄性靈。自合智育之功。下乘服之。健體却病。自得體育之效。是以三育完全。惟賴祖孫之功用。以但未知世界名流。以鄙說爲然否耶。

#### 第四章 發明腦神之新理

吾人之生活。莫大於性命。然而性命之學。世之不講也久矣。何謂命。天所賦之性是也。何謂性。天所賦之神是也。殊不知性也。命也。一氣渾然。非有兩箇。朱晦庵云。在天爲命。在人爲性。中庸曰。天命之爲性。總之。人生曰性命。人死曰靈魂。要皆太虛所受之元神而已。中醫李時珍曰。腦神元神之府。金正希曰。人之記性在腦。泰西人言人之靈機亦在腦。黃庭經云。腦神經根字泥丸。所爲泥丸者。即釋迦摩頂受記之處也。是以鄙人直指曰。腦神。腦神者。乃先天靈明之性體。爲人一身之主宰。其他血肉形軀。以及臟腑經絡。均是後天有形之物。各有使用之專能也。故以腦神喻主人也。軀殼喻房屋也。臟腑經絡喻諸器也。主人者。管理一身之事務也。房屋者。主人之居室也。諸器者。主人所用之傢俱也。至於心亦是肉質所結實。爲發血之器。絕無靈機記性也。無如古今多以肉團心爲靈明之物。埋沒性之本能。豈非指鹿爲馬乎。更可異也。中外各種學說。無有不發明心理者。並取儒之正心道之存心釋之明心。以爲據。嗟乎。千古疑案。至今未曾判決。鄙人不揣冒昧。

妄參一解。因思正心存心明心三者。乃指中心一點神耳。夫豈在肉團之心哉。中庸言天命之性。率性之道。推而至於戒慎不睹。恐懼不聞。及見隱顯微喜怒哀樂。各種奧義。無在非性理之運用。注意斯道者。須由中和二字。研求真解。然後可曉。然天地位焉。萬物育焉。此是三教嫡傳。正法眼藏。非託空言。直指性體大而無外。小而無內。一點眞神。上透九天。下達九地。中貫人心。不偏不倚。徹上徹下。成一系統。乃爲中庸之的旨。天下之達道。天下之大本也。無如後世之人。不能索解。何夫靈機記性。原屬腦神。如吾人或憶往事。或應時事。往往瞳目上觀。閉目下視。反覆尋思。而始得者。足見腦神在腦。腦絡聯屬眼系之證據。即陰符經所云。機在目者也。如泰西剖解病人。有用蒙藥之法。此法乃用蒙藥水噴鼻。使病者秘密數字。初覺四肢脹滿。次覺臟腑壅塞。數到三四十。自覺頭目暈眩。耳鳴鼻塞。即藥力入腦。不能數字。倏然昏迷。人事不知矣。由是以觀。靈機在腦不在心。不攻自破矣。噫。今日之下。取諦心理。不經之談。發明性理有根之據。以作學界理科參考之文字。從此心性兩不混淆。各有擊論。加意體查。偷能收混沌初分之功效。是則鄙人之厚望也已。

## 第五章 發明腦神之生機

凡人大小腦相接處。生一空竅。內藏元神。其竅乃神經纖維組織之胞。是即祖添胞也。由此胞生



育三萬個小蒸胞。名爲子胞。各具神明。蘊諸大小腦之間。以其功用言之。大腦之胞主知覺。小腦之胞主運動。二者乃元神代表。各有責任焉。惟祖胞生死攸關。人當盡力以保護。若祖胞受傷。腦神脫竅。立刻斃命矣。常見廚夫插針鷄腦。鷄身立死。蓋以刺破鷄之祖胞也。人若耳後受傷。往往即死者。亦因振破祖胞所致也。至於子胞新陳代謝。一分鐘約換三千五百個。一點鐘約換二十萬個。一日約換五百萬個。六十日而全易。人若用智。大腦間即換新胞。而智生人若用力。小腦間即換新胞。而力長。以故智愈用而愈多。力愈用而愈強也。雖然用智用力。亦有不宜太過者。用之太過。遞換不及。子胞必減少。是故人有未老成痴。方強忽瘵者矣。又最奇者。男女交感之際。男子子胞入畢丸。乃化精虫。婦人子胞入卵巢。斯化卵珠。及至交接畢。精液洩出。精虫卵子。隨之俱出。和合成孕。何莫非腦神之靈。啓此生生不息之機乎。總之祖胞內藏元神。如如不動者也。子胞內含神子。隨機而變者也。二者均是真空性體。無形無象。雖有千倍放大之顯微鏡。諦審詳察。亦無從考其端倪耳。試以植物諸核中之仁驗之。將果核埋諸地中。越日取試。乃生胚珠。內含生生不息之機。此即植物之腦神及神子也。乃有贊曰。混沌生前混沌圓。箇中消息有誰傳。劈開竅內竅中竅。踏破天中天外天。妙義祇應一己悟。玄機難與世人言。

(未完)

# 本會紀事

靈學會歡迎江神童記

龍文心

山東江神童。名希張。字慕渠。生數月即能言。半歲即識字。過目不忘。五歲時前清山東巡撫孫公寶琦。學部尚書唐公景崇。面試優獎。海內推爲人瑞。以得一見爲幸事。來滬時年十六矣。兒時讀宋儒張橫渠爲天地立心。爲生民立命。爲往聖繼絕學。爲萬世開太平四語。慕其人。故曰希張。而以慕渠爲字。蓋其童年即以民胞物與爲量。抗志希古聖賢。不與尋常聰慧小兒同也。十歲以前作大千圖說。注四書。及作息戰論十三。著道德經禮連兩白話解說。久已風行字內。不脛而走矣。其志在發揚道德。闡明宗教。以救人心之陷溺。而進世界於和平。嘗謂允執厥中。則道協於一。尤不以別戶分門爲然。故建議創設萬國道德會。以渾合各教。前在泰安嶽廟。開成立大會。各國名士如李佳白等。無不贊成。其宗旨純正。廣博。蓋京外成立分會。已三百餘所矣。此次來滬。報紙爭傳。人人欲得一瞻丰采。故靈學會及上海萬國道德會。先後有開會歡迎江神童之事。靈學會盛德東壇諸君子。尤踴躍焉。即就雜糧公會議事廳爲會場。公會中人莫不奔走恐後。一時聞風興起。遠近偕來。鐘鳴三下。江神童至。卽行開會。首由主席葉惠鈞報告開會宗旨。宣讀歡迎詞。次由

崔品三代表全體會員致歡迎詞。殷明剛述江君歷史。乃由朱少沂請江君登臺。江君即演說靈學與道德之關係。大旨謂「在吾人生活之世界而外。有高高在上之靈界。雖不爲吾人耳目之所得見聞。然而其實有。乃無以異於吾人所得見聞之世界。吾人生活於現在之世界中。爲期甚促。而吾人之生活於靈界。期乃無限。故吾人勢不能祇圖日下之安適。而遺其永久之安樂。吾人欲求永久之安樂。遂不得不聯想及於道德。蓋道德之力。足使吾人之精神肉體咸安樂而外。且爲後來生活於靈界之時。預築安樂之窩也。云云。」精理名言。透關警策。聽者咸有領悟。會畢開沙。即有本壇監壇左使常勝子。憑乩贈詩一章。曰。滔天孽海浪翻驚。時下書生記物名。彌勒未來釋迦死。阿誰復出渡衆生。又書亦瑚亦璉四大字。雲摩仙書叔師父作尊鼎其實用九字。（係鐘鼎文）東方老祖書詩一首。曰。智慧天生豈偶然。而今我不羨神仙。立功立德君須記。竹帛應垂十萬年。又與常勝子合作一畫。題爲冷露無聲濕桂花。皆六尺立軸也。畫中一奇石。一丹桂。樹枝幹拂疏。石形容透漏。仙筆故非畫家之所及也。神童得之喜極。觀者尤多豔羨之者。是日。正乩侍則楊真如。汪雪仙周霞仙。書錄蔡雲程。曹味冰。速記姚筆枚。來賓則上海萬國道德會靈道學社。聯義善會。崇文會。惠然軒等。七百餘人云。

# 來函贊成摘要

## 美國斯丹福大學來函

敬啓者。此間大學院。研究天才教育。擬搜集各國偉大人物及神童歷史。以爲討論材料。歐美此項人才甚多。惟中國則付闕如。頃晤貴省王仰曾君。始悉先生少年英俊。早著令名。謹附來調查表一紙。務祈照式填寫。寄下。以便將研究結果。登諸報章。爲先生揚名。爲中國增光。想亦先生所樂爲也。如蒙賜寄半身像片及著作。更爲歡迎。揣此。卽請公安。此上江希張先生台鑒。

美國斯丹福大學郝耀東啟 九月二十號

## 衍聖公府函

敬復者。案准 貴處函開。今天下最低落者。道德也。低落而欲扶起之。振作之。是非立道德會不爲功。以夏歷八月二十七日。係大成至聖先師孔子萬歲佳節。公擬開會七日。上藉一大聖人道德之精神。合各大聖人道德之精神。以喚起萬國萬世無量數人道德之精神。以期共閉殺劫。速開生運。同享太平。咸獲安寧。伏乞名公巨卿。碩學名儒。仁人善士。屆期齊赴山東泰安縣城內岱廟。互相討論。共事籌畫。各等因。准此。本爵深表同情。特派家慧仲叔名令偉爲代表。趨聆大

教。至乞 俯賜接洽爲幸。此致 萬國道德會籌備處。

衍聖公德成啟

前國務總理王公覆函

敬覆者。頃奉 公啓。莊誦廻環。諸君慨世局之日非。念道德之淪胥。創設萬國道德會。以期昌明道德。挽回頹風爲宗旨。實屬根本之圖。宏願熱心。欽佩莫名。珍病體殘年。復爲家累。深愧不能躬蒞大會。親聆 教言。抱憾無似。惟懇附列賤名於 驥尾。則心香一瓣。遙祝 貴會之興隆而已。謹肅奉覆。敬頌 公綏。統希 偉照。不備。

王士珍拜復

前國務總理靳公來函

敬復者。頃奉 大緘。並江君希張所註四書白話解說一部。及贊成錄各冊。讀讞一。是。另件擬上書當道兩稿。尊重孔經。崇祀孟母。以維禮教。而挽人心。當爲我國心理所極贊同。况生長鄒魯之鄉。沾濡教澤。尤爲切近。自當力予維持。期達目的。泐復。順頌 台祺。不備。

靳雲鵬拜啓

國務院覆函

敬啓者。接奉 大函。并附四書白話解說一份。展開再四。具徵 熱心毅力。無遠弗届。人心世道。

裨益良多。既承 屬望之殷，敢昧匡襄之義。容即分函各省，勸導實行。知勞 德心，特此布復。即希 亮察。並頌 義綏。

張廷謬拜啓六月四日

### 財政總長覆函

展奉 惠書，敬承壹是正經勵俗，意美法良，振學興民，功高道普，下風遜聽，佩慰奚如。承示附章，彌深景止。弟接緒伊始，計務勞如，一俟稍就清釐，當即函購該書，徧爲傳佈，藉昌聖學。仰副 高明。先此復謝。區區不盡，順頌 均綏。惟察 雅照。

張英華敬啓

### 山西督軍兼省長致各處通函

邇來道德說衰，權利爭烈，慈愛既絕於人心，殺戮用橫於天下，願細推其致此之由，無非正學就衰，邪說繁興，革教革心，廢祀廢經，斯文既喪，人道無存，經滅教滅，教滅種滅，其禍將有不堪設想者。僕爲此懼久矣。歷城江神童希張具有夙慧，幼年知名，新註有四書白話解說，字解句解，節解以及全章演說，全篇演說，全書演說，洋洋四十萬言，一字一珠，一字一淚，無在不足以發人深醒，誠現社會之警鐘也。且圖畫像贊，無一不備於養正作聖之功，所關尤切。僕曾爲撰序其書，惟念聖道凌夷，正義不明，禍既中於通國，自必通國人出而挽救之，不然杯水車薪，無濟也。萬國道德

會籌備處同人。有鑒於此。特於庚申年八月二十七。至聖先師孔子生日。持書前往慶祝。卽由曲阜聖地寄發。想早登籤部矣。但恐政務繁多。未暇閱及。尙祈公餘一覽。倘蒙嘉許。卽希

惠賜一言。寄山東省垣南關星宿廟萬國道德會籌備處接收。以示獎勵。經正民輿。斯無邪慝。則廣魯天下。人共尊親。吾聖道必因之。曾放大光明於全世界也。際茲歐戰。媾和南北統一。正中。外偃武修文之候。因勢利導。事半功倍。昨奉大總統令。命各長官協力同心。導揚文治。康濟民生。凡我同寅。宜如何仰體大總統殷殷圖治之心。廣慰海內外喁喁向治之誠。而相與共期以有成也。肅此敬請。勳安。伏維。荃察。

閻錫山鞠躬

東三省巡閱使覆函

百川軍長大鑒。正義不明。異端斯起。非孝者公然立說。討父者組而成團。化日光天之下。魑魅橫行。沛澤汚池之中。禽獸羣至。大道將衰。爲此滋懼。聖人復作。在所必誅。江神童新註四書白話解。說一書。洋洋數十萬言。幾如暮鼓晨鐘。發人深省。其輔翼聖教之功。不讓程朱。先賢靈爽。實式憑之。而諸君子之集會講學。孤詣苦心。亦益令人神往而不置也。卽祈轉致萬國道德會籌備處。爲託肅覆。並祝爲道珍重。諸希亮察。不宣。

張作霖鞠躬

浙江督軍覆函

逕覆者。頃奉 公函。諸承 獎飾。慙歎奚如。蒿菴先生爲吾邑大儒。前由 鄙人呈請從祀。孔廟。尙未議准實行。茲得 江神童所著道德經白話解說。爲 蒿菴先生闡幽發微。足證前人議駁配享之失。第雖不文。敢不極力贊同。以副 諸鄉先生雅意。容得捧讀其書。當再跋綴片言。寄呈教正。先此肅覆。敬頌 公綏。

鄉愚弟 盧永祥拜啓

直魯豫吳巡閱使署參謀處來函

敬復者。頃奉 貴處公函。並收到四書白話解說計甲乙丙三種共一百部。通啓百份。禮略一本。承 示專爲昌明孔教起見。萬勿滙寄書價。展誦廻環。欽感無似。當將 來函並書轉呈 巡帥。奉諭函謝。書即分發幼年兵營。暨學兵營。冀以昌明孔教。除分發外。特函肅謝。此致萬國道德會籌備總處。

兩湖巡閱使署參謀處啓

京師步軍統領王上將覆函

敬覆者。奉貴會轉到 閩督軍惠書。甚盛甚佩。僕耳江神童之名久矣。聞其所著至蹟。然僕所得見者。四書白話解說。道德經白話解說。大千圖說諸書。就所見者論。則上探天人之精。下極事務。



之微。旁及宗教哲理之幽眇。世界進化之嬗變。追討源緒。兼綜並包。信乎學徹六通。識窮兩戒者也。僕本儉荒。替於儒術。願嘗從四存學會諸君子之後。服膺顏李躬行實踐之義。故拳拳於道德。而不敢忘。方今邪說鼓辭。充塞黷躋。人心淪於禽獸。法言等乎漂漚。識者憂之。以爲民不爲民。國將不國。且臆臆焉有滅種之懼。是固然已。然僕以爲道德一日不亡。則國與種一日不滅。而道德一日之偶亡。又非真亡也。譬之狂蠶蔽天。終必有霽。毒焰燎原。終必有息。大劫小劫。終必竭。盡輪轉。廻於貞際。化分化合。終必有元子之存。以太之在也。故剝者復之機。否者泰之朕也。雖然。趨道德之美者。當審其程徑。避不道德之惡境者。當辨其去從。故必以存誠克己。慎獨窒慾。爲其擇別。邪正是非之鑄。否則外牽引而內昏惑。根塵顛倒。認賊作子。認魔作佛矣。昔荀子曰。桐木待鑿括。蒸矯。然後直。鈍金待礪勵。然後利。江神童之書。隱括礪勵之謂也。道言五圖九籥。釋言寶筏慧燈。貴會之所揭。藥則亦五圖九籥寶筏慧燈之類也。大同大順。神童之所蘄。貴會之宏願。推斯惜也。由一國至萬國。自一世至萬世。皆將納於道德之範圍。而無遺。而冥筌胥排。法象並泯。神童之著。默乎若忘矣。詩曰。風雨如晦。鷄鳴不已。惟貴會勉焉。此復敬頌。道祺不具。

王懷慶謹白

新疆省長兼督軍覆函

萬國道德會籌備處公鑒。逕覆者。接奉 大函。再三諷誦。深佩 貴會提倡道德。挽救末流。爲當今決不可緩之舉。前承 惠寄江希張君新註四書白話解說一部。已經收到。公餘省覽。喜其以痛快淋漓之筆。演尼山鄒邑之旨。足以普及社會。振聵發聵。誠有如 閻督軍所謂一字一珠。一字一淚。無在不足以發人深醒者。得 貴會表章而傳播之。其有功於世道人心。實非淺尠。昔顧亭林之言曰。有亡國。有亡天下。易姓改號。謂之亡國。仁義充塞。而至於率獸食人。人將相食。謂之亡天下。中國立國數千年。天下所以未至遽亡者。蓋孔孟之道。有漢唐宋明清初諸大儒遞相紹述。維持於不敝耳。民國以還。政尙共和。人人舍道德。根本不講。而惟權利之是圖。謀其利。不正其誼。計其功。不明其道。邪惡繁滋。干戈擾攘。地變天災。層見疊出。人民死於鋒鏑饑饉。國家危於鼎卵覆巢。此正天下將亡之時也。茲幸 貴會同人。慨念世道之凌夷。振興孔孟之大道。更有如江希張君者。後先輩出。著書立說。大聲疾呼。使全國之人。由是猛然深醒。咸知滌原洗心。尊德樂道。共循正軌。以鞏固我中華民國億萬年有道之基。且俾孔孟道德之教。發揚光大。得以東漸西被。深入於環球各國之人之心。以挽救世界之新潮流。其爲吾道之干城。功豈在漢唐宋明清初諸大儒下哉。專函佈覆。即頌 公綏。外附補過齋日記一冊

楊增新鞠躬

### 吉林省督軍覆函

萬國道德會籌備處台鑒。頃接山西閻督軍來函。附寄 貴處宣言書及章程。并江神童所著各種。盪三復。無任佩仰。方今世衰道微。上下羣肆於亡等之欲。攘利爭權。積爲風會。其禍變之所極。小之及於一身一家。大之中於一省一國。前車屢覆。來軫不戒。深識之士。怒焉憂之。貴會指歸道德。提倡宗風。推己以及人。由中以達外。陷溺已久。聞者動容。孔佛耶回。聯爲一體。舉從前小儒門戶之見。一掃而空之。而襄陵食人之禍。將因之少熄。昌黎有 言孟子之功。不在禹下。 貴會之功。抑豈在孟子下耶。江神童以極大之眼光。具無窮之悲願。當茲幼歲。已富鴻編。夙慧天成。其來有自。且古來號稱神童者。率不過解章句。能詩文。妙辯纖才。偶警長老。迹其少作。於世何裨。今江君通貫中外。博極羣書。舉吾國甚繁。頗甚深奧之篇。昔日老師宿儒所不能驟通者。乃句分節解。以駿快之筆。衍爲淺說。明白曉暢。俾愚夫愚婦亦能通達其義。而歸本於正人心息爭戰。大聲疾呼。警迷抵噴。世有讀是書者。孰不泚頰回心。悚然而易軌乎。天生此人。以拯中國。特於髫年一發其機。將來愈造愈深。其所著述。更有百倍於此者。而收效之遠且大。殆益不可量者。顯頤十二而治天下。項橐七歲而爲聖人師。初以爲史家鋪張之辭。觀諸江君而益信。而所謂解章句。能詩

文便翹然目爲神童者。等諸自鄧無議矣。貴鄉自媿不文。無以闡宣閎奧。顧心藏心寫之誠。則又非區區尺一所能罄也。敬頌 道綏。臨書神往。

鮑貴卿拜啓三月六日

### 山東督理覆函

敬復者。頃奉 函賜經著。高文典冊。篤實光輝。拜讀之餘。感荷無似。貴會提倡道德。造端宏大。起衰抵敵。求釀世界之和平。偉量精心。尤爲欽佩。專肅鳴謝。復頌 公祺。不備。此致 萬國道德會籌備總處。

鄭士琦拜啓

### 湖北督軍公署來函

逕復者。檢閱擬上 大總統文兩件。雜誦再三。莫名欽佩。自歐化東漸。男女學校悉廢。讀經。非有道德以爲藩籬。必致使敗常亂俗之學說。流毒社會。貽禍國家。默念前途。憂心如搗。貴會本救民覺世之苦心。抒撥亂返治之偉論。依照憲法。主張尊經。以昌孔教。崇祀孟母。以端女學。俾人心知所趨嚮。庶國本不致動搖。經正民興。斯無邪慝。孟子之言。決非欺我。矧青年學子。知識缺乏。當此羣言淆亂。易入迷途。或假自由之名。辭饒不韙之行動。雖足取快於一時。不免貽譏於衆口。名爲自由。實則自殺。良可慨也。往者美國大學。曾設有支那學科。近日日本大學被焚。亦徵求中華

典籍屬在國人。豈容漠視。尊崇孔教。表彰六經。成俗化民。端資此舉。凡有血氣。莫不贊同。特贊數言。以誌景仰。此復。即頌。會安。

湖北督軍公署啓

黑龍江督軍來函

希張鄉先生閣下。昨由二十九師張參謀長頒到。賜書就論。道履時綏。箸祺日懋。爲頌無量。慨自世道日衰。人心日壞。異端蠱午。聖學湮沉。此正救焚拯溺之時。而環顧神州。尤復酣嬉醉夢。不知履蹈之危。一二梟桀者流。又復逞其偏材。肆其簧鼓。道高一尺。魔高一丈。豈我神明之胃。遂永劫淪於鬼域乎。痛哭呼天。寢食俱廢。今者幸矣。天果篤生。賢哲以救我兆民矣。讀。大箬各種。無一非闡明正學。痛闢邪談。苦口危言。促人返省。誦之萬遍。口沫手脰。鄙人德薄能鮮。力小任重。雖有濟世之心。苦乏援手之策。謹當奉。大箬爲圭臬。傳之通省。俾家誦戶曉。庶或有續學之士。愚昧之氓。聞而興起者乎。則。先生之孤懷。閱詣爲不負矣。惠賜各書。均敬謹拜登。茲奉上現洋五百元。聊爲刻書之費。即乞。晒納。并望多寄若干部來黑。以便轉發各校應用。是爲感禱。專此謝敬。肅請。道安。不盡一一。

鄉愚弟吳俊陞再拜

松滬何護軍使覆函

敬啓者。江河日下。道德浸衰。求新之知識未闢。舊有之良能已失。邪說駁行。瀾漫宇宙。人心日漓。愈趨愈遠。將昔日五教中之精義。與旨。掃地無遺。慾壑難填。殺機四起。充其極量。人不淪於禽獸者幾希。種不致滅亡者不止。有心人怒焉憂之。幸江神童希張。天賦聰靈。應世傑出。本悲天憫人之旨。作繼往開來之緒。窮源竟委。錄五教於一爐。將所謂放之則彌六合。捲之則道歸於一者也。於是著有息戰論。大千圖說。新註四書白話解說。翻閱一過。覺條分縷晰。出顯入微。啓世牖民。爲斯世放一光明者。非此書也耶。驅世界於大同。納群倫於軌物。旋乾轉坤。其功詎在禹下乎。爰誌數言。忝諸贊成之列。幸甚幸甚。肅此敬請 鑒安。

何豐林贈

### 滇軍總司令官覆函

敬復者。頃誦 大函。祇讀 辦設萬國道德會。於夏歷八月二十七日起。在泰安縣岱廟集衆討論。以闡發道德力挽頹風爲宗旨。熱誠毅力。至以爲佩。道德修之在己。而時勢惟其所遭。道德在內者也。時勢在外者也。在內者。要可自操。在外者。亦必有所爲。故有道德之真精神者。尺以感發當世人之道德。而當世人之道德。亦足以引起億萬世後無量數人道德之真精神也。吾人欲丕振道德之精神。必先不牽於習俗。不屈於威武。不希苟合。不願毀譽。一心嚮往。如水赴海。而後道

德之妙義。天地之殺機。可以發輝。而阻遏之故。聖賢之生也。創論立說。並時之人。或深駭而莫能容。乃至異世之後。轉又仰若神明。懷慄勿違。古今中西。若是者衆矣。今得諸公提倡此舉。登高一呼。衆人響應。固可爲操左券。珍遠居天南。雙符承綰。不克趨前。躬與其盛。抱歉私衷。當邀鑒原。特述所見。聊備商榷。倘承不吝珠玉。進而教之。企禱交并。崑此裁復。卽頌 籌安。

顧品珍復十月一號

### 廣西省長覆函

敬覆者。奉 惠書並附寄江神童大著數種。俱已領悉。昌明 聖教。崇道德以弭戰爭。洵爲協和萬邦。促進大同之正軌。執事嘉神童之倡導。詔通國以贊成。冀教熱誠。至深感佩。慨自正義晦而權利之爭熾。人與人爭。國與國爭。戰爭之禍。正未知所終。極窮人類。縱慾敗度。爭權奪利之流毒。不難舉世界民物。蕩然漸滅。欲挽浩劫。要在人各反本。而修道勵德。說似迂而理實無可易。易言萬國咸寧。必推本於各正性命。神童依據斯旨。衍一元散爲萬彙。萬彙歸於一元。鎔鑄百家。矚竊八表。鴻才偉願。卓識苦心。定將感格羣倫。襄成盛舉。人心厭亂。中外幾一致矣。厭之萌。卽轉之機。迎機順導。綰諸道德。鏗而不舍。有志竟成。禮運所謂天下一家。中國一人之極軌。或竟由理

想見諸實現。掩卷神馳。巖然高望。鴻篇閱竟。遵綴數言。藉申欽仰。崑肅復請。勛安。餘惟。荃照。不備。

李靜誠謹覆

### 湖北省長來函

逕覆者。頃奉 台函。並四書白話解說一部。萬國道德會開會紀事一紙。具見 諸公綱紀羣倫。納民軌物之盛意。欽佩莫名。伏念孔子之道。如日月經天。江河行地。布帛菽粟之益於人。徒以運會所趨。生計困窮。道德墮落。而人心遂不可問矣。貴會提倡宗風。籌備進行。自係救世良藥。而發皇光大。尤爲敝處所禱祈以求者也。此致 萬國道德會籌備處。 湖北省長啓

### 江西省長公署來函

敬復者。頃接 台函。祇悉壹是。本年春間。准 貴會函以江神重新註四書白話解說通啓。每縣經郵寄一百份。祈函知各縣知事。俟該通啓到時。即飭差赴鄉張貼等因。比已轉令教育廳查照辦理。茲復承 函詢。除再令教育廳查照。轉令各縣知事。如該通啓業已到縣。即行辦理外。特函奉復。祇頌 道綏。

江西省長公署啓

### 貴州劉省長復函

來函披讀摘要



萬國道德籌備會會長道鑑接誦 大牋敬悉種切。晚清以來學校廢經之義興。道德淪亡。綱常崩壞。而人心之陷溺。風俗之偷薄。禍遂烈於洪水猛獸。來書以經正民興。斯無邪惡。實爲根本救濟之策。聖手醫國。敢不敬佩。江神童生知粹質。入室升堂。所註四書白話解說。亦復言近旨遠。允堪化俗。已將通啓令發各縣知事。飭即分貼城鄉。量樂購者。自當源源不絕。通俗講義。行瞻聖道之昌明。救世箴言。將見亂源之消弭。江書之功用。固能福國利民。而兩公提倡之苦心。尤尤爲國人所崇拜也。祇復敬頌 道綏。

劉顯世鞠躬六月三日

### 江蘇省長覆函

敬啓者。接展 台函。並印刷通啓。均已祇悉。除令教育廳轉飭各縣於該書寄到時。酌核辦理外。特此函復。祇頌 道綏。

江蘇省長公署啓

### 熱河都統公署覆函

逕覆者。頃准 函開。請將江神童希張新註四書白話解說。或捐印。或代派。提倡流通。廣爲闡揚等因。到署除令熱河圖書館備價購買五十部。由該館銷售。藉資提倡。並檢同通啓圖說。分令熱河道尹。通飭各縣知事。一體查照。飭屬逕行購閱外。相應函復。貴處查照。俟該圖書館將書價

滙到，希即照數寄發可也。此致 萬國道德會籌備處。

### 察哈爾都統函

逕復者。頃接 大函。具聆種切。諸君子於道德淪喪。一髮千鈞之際。主持正論。洞澈隱微。卓識宏裁。高同泰嶽。本應屆期與會。一覘盛況。惟蒙亂未靖。軍事倥傯。邊防吃緊。未克遠離。悵歎何似。岱廟會議。如何進行。俟會務告竣。尙望函示梗概。藉聞 明教。無任企盼。此致 萬國道德會籌備處。

張景惠啓九月十九日

### 綏遠都統函

敬復者。頃奉 大函。備懷私悃。並承 惠寄新訂白話解說論語學庸七冊。慧旨正大。解釋詳明。闡先哲之遺言。入深出顯。開後學之正路。反本清源。社會歡迎。定可預卜。行見昌明聖教。振鐸端賴道人。從茲 崇重儒宗。反經允推君子。福祥蒙疆阻跡。悵蒞會之未能。葵向傾心。謹裁箋而將敬。專肅奉復。敬頌 道安。此致 萬國道德會籌備處。

綏遠都統馬福祥鞠躬九月十五日

### 上海道院來函

來函 贊成 摘 要

希張先生有道。前承惠賜著作。展卷之餘。如親教範。欽佩莫名。日昨文旆蒞滬。正擬偕同人等開會歡迎。藉瞻豐采。昨聞龍積翁云。執事已返京門。私衷未遂。徒切雲霓。弟俗務羈身。才具本淺。更膺滬院掌籍一席。綆短汲深。時虞竭蹶。向祈時錫良箴。以匡不逮。肅簡鳴謝。祇請 道安。

謝素止拜啓 九月四日

按謝素止係上海兵工廠 謝總辦之道名

### 倉聖學會來函

萬國道德會籌備處諸先生鑒。頃蒙 惠賜章程。極紉 厚誼。並附 江神童著作四種。雜誦一過。知神童以聖經之至理。順白話之潮流。覺世牖民。厥功極偉。拜領謝謝。貴會籌備伊始。自必努力進行。拭目觀成。期於指顧。登瀛遠居海角。尙乞不遺在遠。時錫箴言。專展謝忱。敬候 公鑒。

姬覺彌頓首啓

### 漢中代表來函

慕渠先生有道大鑒。

大名久矣。慕大道亦久矣。慕而未獲一晤。何相慕之殷。而相見之竟無緣也。真令人昕夕徬徨而

莫可稍釋者也。戊午春。幸佳作從雲中突出。朶雲自東方飛來。莊誦先生息戰一冊。未始不歎斯文之未墜。大道之將興也。然猶恐託諸空言。無補實用。洎接 先生籌備萬國道德會宣言書。及道德經白話解說諸書。捧讀之下。見先生目的如此偉大。眼光如此卓絕。進無所師於古。退無所依於今。而超然出謀發慮。立一規。創一議。可正天下之人心。可息萬國之爭鬥。可爲往聖繼絕學。可爲萬世開太平。此非通經權達常變。無流俗門戶之見存乎其中者。焉能道其萬一也。又况約仙佛於綱常名教。引聖賢入無極真空。釋迦老莊。同會杏壇。基督穆罕。相晤闕里。五聖對話。萬教歸一。尤爲上下古今所未見之大經大法。中外聖賢所難能之無我無人。挽道統於將墜。作砥柱之中流。眞令人欽甚敬甚。更復感甚。惟理微道大。殊不易知。即使能知而未必能學。總或能學而未必能身體力行。造詣乎極。否則求其實效。川流則可矣。教化則難也。果能理欲分明。本源洞徹。見及此。學及此行。及此。完成及此。斯之謂到家之學。人稱至人。聖稱至聖。教之所從出也。將見天人合一。萬物自化。上可爲天地立心。下可爲生民立命。如老子所謂不言而教。無爲而治。自有不期然而然者矣。鄙人間沈淪於黑黯混沌之中。今得 先生各著述一讀。如登光天化日之下。不禁五體投地。感佩莫銘。爰擬代表同人。定於陰歷九月初旬。由漢中起身。趕赴貴處。敬領大教。共

策進行。藉慰渴慕。用表贊同。又恐沿途遲滯。有誤舉期。特肅函預為奉告。祇頌 道祺。並候 諸先生道安。未另。

漢中代表袁華瀛鞠躬九月初二日

英國人

### 贊成人

開部  
華朝嶽


王孫謀 曾廣暗 陳日昇 元承齋

楊中倫 楊學震 彭焱 梁體德

### 贊成人

陳才璵 廖化洲 郭裔鈞

賀瑞麟 鍾之琳 袁學安



中華民國十四年二月特版

上海麵粉  
交易所經  
紀公會同  
人捐助敬  
送一萬冊

經募者 殷明剛

捐助者 上海麵粉經紀公會

編纂者 楊踐形

校正者 徐勉民

出版者 萬國道德會滬會

印刷者 著易堂書局

上海城內石皮弄建康里

#2

469261

469261